

STATE LIBRARY NATIONAL CENTRAL LIBRARY TARIKHA R.D.C





陶靖節集目錄

卷之一

詩四言

停雲

時運

榮木

贈長沙公

酬丁柴桑

答龐參軍

目錄

百餘



THE NATIONAL CENTRAL LIBRARY, TAIWAN, R.O.C.

3443556 - 1



勸農

命子

歸鳥

卷之二

詩五言

形贈影

影答形

神釋

九日閒居

歸園田居

附江淹擬陶

遊斜川

示周祖謝三郎

乞食

遊周家墓下

怨詩楚調示麗王簿鄧治中

答龐參軍

五月旦作和董主簿



連雨獨飲

移居二首

和劉柴桑

酬劉柴桑

和郭主簿二首

於王撫軍座送客

與殷晉安別

贈羊長史

歲暮和張常侍

和胡西曹示顧賊曹

悲從弟仲德

卷之三

詩五言

始作鎮軍參軍經曲阿

庚子歲五月中從都還阻風二首

辛丑歲七月赴假還江陵

癸卯歲始春懷古田舍

癸卯十二月中作與從弟敬遠

TIFFEN Color Control Patches

Blue Cyan Green Yellow Red Magenta White 3-Cool Black

乙巳歲三月使都經錢溪

還舊居

戊申歲六月遇火

己酉歲九月九日

庚戌歲九月中於西田獲早稻

丙辰歲八月中於下溟田舍獲

飲酒 二十首

止酒

述酒

黃子

有會而作

蜡日

卷之四

詩五言

擬古 九首

雜詩 十二首

詠貧士 七首

詠二疎 二首



詠三良

詠荆軻

讀山海經 十三首

挽歌辭 三首

聯句

附四時

問來使

卷之五

雜著

賦 詞 傳 記 疏 祭文

感士不遇賦

閒情賦

歸去來兮辭

五柳先生傳

孟府君傳

桃花源記

與子疏

祭程氏妹文



祭從弟敬遠文

自祭文

卷之六

傳贊述

天子孝傳贊

諸侯孝傳贊

卿大夫孝傳贊

士孝傳贊

庶人孝傳贊

扇上畫贊

讀史述

卷之七

集聖賢群輔錄上

卷之八

集聖賢群輔錄下

附錄

年譜

本傳



序
誄
總論

陶靖節集目錄

陶靖節集卷之一

詩四言

停雲 并序

停雲思親友也。罇酒新漉。園列初榮。願
言不從。歎息彌襟。

靄靄停雲。濛濛時雨。八表同昏。平路伊阻。靜寄
東軒。春醪獨撫。良朋悠遊。搔首延佇。
停雲靄靄。時雨濛濛。八表同昏。平陸成江。有酒
有酒。閒飲東窗。願言懷人。舟車靡從。



序
誄
總論

陶靖節集目錄

陶靖節集卷之一

詩四言

停雲 并序

停雲思親友也。樽酒新漉。園列初榮。願
言不從。歎息彌襟。

靄靄停雲。濛濛時雨。八表同昏。平路伊阻。靜寄
東軒。春醪獨撫。良朋悠遊。搔首延佇。
停雲靄靄。時雨濛濛。八表同昏。平陸成江。有酒
有酒。閒飲東窗。願言懷人。舟車靡從。



東園之樹。枝條再榮。競用新好。以招余情人。亦有言。日月于征。安得促席。說彼平生。翩翩飛鳥。息我庭柯。欲翻開止。好聲相和。豈無他人。念于寔多。願言不獲。抱恨如何。

時運

并序

時運游暮春也。春服既成。景物斯和。偶影獨游。欣慨交心。

邁邁時運。穆穆良朝。襲我春服。薄言東郊。山澗餘靄。宇曖微霄。有風自南。翼彼新苗。

洋洋平津。乃湫乃灌。馳遊遐景。載欣載暎。搢心而言。人亦易足。揮茲一觴。陶然自樂。延目中流。悠悠清沂。童冠齊業。閒詠以歸。我愛其靜。寤寐交揮。但恨殊世。邈不可追。斯晨斯夕。言息其慮。花藥分列。林竹翳如。清琴橫林。濁酒半壺。黃唐莫逮。慨獨在余。

榮木

并序

榮木念將老也。日月推遷。已復有夏。總角聞道。白首無成。



采采榮木。結根于茲。晨繹其華。夕已喪之。人生
若寄。顛顛有時。靜言孔念。中心悵而。
采采榮木。于茲托根。繁華朝起。慨暮不存。貞鹿
由人。禍福無門。匪道曷依。匪善奚致。

嗟予小子。稟茲固陋。徂年既流。華不增舊。志彼
不舍。安此日富。我之懷矣。但焉內疚。
先師遺訓。余豈云墜。四十無聞。斯不足畏。脂我
名車。策我名驥。千里雖遙。孰敢不至。

贈長沙公

并序

長沙公於余爲族。祖同出大司馬昭
穆。旣遠已爲路人。經過潯陽。臨別贈此。
同源分流。人易世疎。慨然寤歎。念茲厥初。禮服
遂悠。歲月眇徂。威彼行路。眷然踟躇。
於穆令族。允構斯堂。諸氣冬暄。映懷圭璋。爰采
春花。載警秋霜。我曰欽哉。實宗之光。
伊余云邁。在長忘同。笑言未久。逝焉西東。遂遂
三湘。滔滔九江。山川阻遠。行李時通。
何以寫心。貽此話言。進實雖微。終焉爲山。敬哉



離人臨路悽狀欲襟或遺音問其先

西蜀張續辯誰曰年譜以此詩爲元嘉
乙丑作按晉書載長沙公侃卒長子夏
以罪廢次子瞻之子宏襲爵宏卒子紳
之嗣紳之卒子延壽嗣宋受晉禪延壽
降爲吳昌侯若謂詩作於元嘉則延壽
已改封吳昌非長沙矣先生詩云伊余
云遊在長忘同蓋先生世次爲長視延
壽乃諸父行序云余於長沙公爲族或

云長沙公於余爲族皆以族字斷句不
稱爲祖蓋長沙公爲大宗之傳先生不
欲以長自居故詩稱於穆令族序稱於
余爲族又云我曰欽哉實宗之光皆敬
宗之義也如年譜以族祖族孫爲稱乃
是延壽之子延壽已爲吳昌侯其子又
安得稱長沙公哉要是此詩作於延壽
未封改之前



有客有客。爰來爰止。秉直司聽。于惠百里。嗇勝
如壘。矜善若始。

匪惟諾也。屢有良由。載言載賦。以寫我憂。放歌
一遇。既醉還休。寔欣心期。方從我遊。

答麗參軍

并序

麗爲衛軍參軍。從江陵使上都。過潯陽
見贈

衡門之下。有琴有書。載彈載詠。爰得我娛。豈無
他姓。樂是幽居。朝爲灌園。夕儼蓬廬。

人之所寶。尙或未珍。不有同愛。云胡以親。我求
良友。寔親懷人。歡心孔洽。棟宇惟鄰。

伊余懷人。欣德孜孜。我有旨酒。與汝樂之。乃陳
好言。乃著新詩。一日不見。如何不思。

嘉遊未敢。誓將離分。送爾于路。銜觴無欣。依依
舊楚。邈邈西雲。之子之遠。良話曷聞。

昔我云別。倉庚載鳴。今也遇之。霰雪飄零。大藩
有命。作使上京。豈忘宴安。王事靡寧。

慘慘寒日。肅肅其風。翩彼方舟。容裔江中。曷哉



征人在始思終敬茲良辰以保爾躬

勸農

悠悠上古厥初生人傲然自足抱朴含真智巧
既萌資待靡因誰其瞻之實賴哲人
哲人伊何時爲后稷瞻之伊何實曰播殖舜既
躬耕禹亦稼穡遠若周典八政始食
熙熙今查荷荷原陸卉木繁榮和風清穆紛紛
士女趨時競逐桑婦宵征農夫野宿
氣節易過和澤難久冀缺猶儆沮溺結耦相彼

賢達猶勤隱而矧伊衆庶曳裾拱手
民生在勤勤則不匱宴安自逸歲暮奚冀儻石
不儻飢寒交至顧爾侍列能不懷愧
孔耽道德樊須是鄙董樂琴書田園不廢若能
超然投迹高軌敢不欽祇敬讚德美

命子

悠悠我祖爰自陶唐邈爲虞賓歷世重光御龍

動夏承章翼商穆穆司徒厥族以昌

晉董父好
箕安命象

龍於陶丘是夏帝孔甲時天降雌雉龍二子與
有類果者實覺之虞以整龍事孔甲龍之姓也



附錄

劉氏觀聯之孫封於承寧南或丁威之以封劉崇之曾左陸濟民七族陶氏其一也陶氏孫司侯

紛紛戰國漢漢衰周鳳隱於林幽人在丘逸封

逸雲奔鯨駭流天集有漢春子愍侯高帝功臣表愍侯陶

會以左司馬從漢破代封侯

於赫愍侯運當琴龍撫劍風邁顯茲武功書誓

山河啓土開封壘壘丞相允迪前蹤梁帝時陶

渾渾長源蔚蔚洪柯琴川載導衆條載羅時有

語默運因隆寂在我中晉業融長汝陶侃字士

州都督封長沙郡公

桓桓長沙伊勳伊德天子疇我專征南國功遂

辭歸臨寵不忒執謂斯心而近可得

肅矣我祖慎終如始直方二臺惠和千里於皇

仁孝浚焉虛止奇迹風雲實茲愷喜

嗟余寡陋瞻望弗及顧慙華鬢負影隻立三千

之罪無後爲急我誠念哉呱開爾泣

卜云嘉日占亦良時名汝曰儼字汝求思溫恭

朝夕念茲在茲尚想孔優庶其企而



陶集

厲夜生子。遽而求火。凡百有心。奚特於我。既見其生。實欲其可。人亦有言。斯情無假。

日居月諸。漸免于孩。福不虛至。禍亦易來。夙與

夜寐。顯爾斯才。爾之不才。亦已焉哉。靖節之資不見於傳

獨袁郊半澤語云陶明彭澤之後劉元中宋子良與

歸鳥

翼翼歸鳥。晨去于林。遠之八表。近憩雲岑。和風

不洽。翻翻求心。顧儔相鳴。景庇清陰。

翼翼歸鳥。載翔載飛。雖不懷游。見林情依。遇雲

頡頏。相鳴而譙。遐路誠悠。性愛無遺。

翼翼歸鳥。馴林徘徊。豈思天路。欣及舊棲。雖無

昔侶。衆聲每諧。日夕氣清。悠然其懷。

翼翼歸鳥。戢羽寒條。游不曠林。宿則春標。晨風

清興。好音時交。矧繳奚施。已卷安勞。



陶靖節集卷之二

詩五言

形影神 三首

貴賤賢愚莫不營營以惜生斯其感焉
故極陳形影之苦言神辯自然以釋之

形贈影

天地長不沒山川無改時草木得常理霜露榮
悴之謂人最靈智獨復不如茲適見晝世中奄
去靡歸期美覺無一人親識豈相思但餘平生



陶靖節集卷之二

詩五言

形影神 三首

貴賤賢愚莫不營營以惜生斯其感焉
故極陳形影之苦言神辯自然以釋之

形贈影

天地長不沒山川無改時草木得常理霜露榮
悴之謂人最靈智獨復不如茲適見晝世中奄
去靡歸期美覺無一人親識豈相思但餘平生



物舉目情悽滿。我無騰化術。必爾不復疑。願君
取吾言。得酒莫苟辭。

影答形

存生不可言。衛生每苦拙。誠願游崑華。邈然茲
道絕。與子相遇來。未嘗異悲悅。憩蔭若暫垂。止
日終不別。此同既難常。黯爾俱待滅。身沒哀亦
盡。念之五情熱。立誓有遺愛。胡爲不自竭。酒云
能消憂。方此詎不劣。

神釋

大鈞無私力。萬理自森著。人爲三才中。豈不以
我故。與君雖異物。生而相依附。結託善惡同。安
得不相語。三皇大聖人。今復在何處。彭祖壽永
年。欲留不得住。老少同一死。賢愚無復數。日醉
或能忘。將非促齡具。立善常所欣。誰當爲汝舉。
甚念傷吾生。正宜委運去。縱浪大化中。不喜亦
不懼。應盡便須盡。無復獨多慮。

九日閒居

并序

予閒居愛重九之名。秋菊盈園。而持醪



廢由空服九華寄懷於言

世短意常多。斯人樂久生。日月依辰至。舉俗愛
其名。露凄暄風息。氣澈天象明。往鷲無遺影。來
鴈有餘聲。酒能祛百慮。菊爲制頽齡。如何蓬廬
士。空視時運傾。座爵恥虛飾。寒華徒自榮。歛襟
獨閒謔。緜焉起深情。棲遲固多娛。淹留豈無成。

歸園田居 五首

其一

少無適俗韻。性本愛丘山。誤落塵網中。一去三

十年。羈鳥戀舊林。池魚思故淵。開荒南野際。守
拙歸園田。方宅十餘畝。草屋八九間。榆柳蔭後
園。桃李羅堂前。曖曖遠人村。依依墟里烟。狗吠
深巷中。雞鳴桑樹巖。戶庭無塵雜。虛室有餘閒。
久在樊籠裏。復得返自然。

其二

野外罕人事。窮巷寡輪鞅。白日掩荆扉。虛室絕
塵想。時復墟曲中。披草共來往。相見無雜言。但
道桑麻長。桑麻日已長。我土日已廣。常恐霜霰



零落同草莽

其三

種豆南山下。草盛豆苗稀。晨興理荒穢。帶月荷鋤歸。道狹草木長。夕露沾我衣。沾不足惜。但使願無違。

其四

久去山澤游。浪莽林野娛。試攜子姪輩。披榛步荒墟。徘徊丘壑間。依依昔人居。井甕有遺處。桑竹殘朽株。借問採薪者。此人皆焉如。薪者向我

言。死沒無復餘。一世異朝市。此語真不虛。人生似幻化。終當歸空無。

其五

恨獨策蹇。崎嶇歷榛曲。山澗清且淺。還以濯吾足。漉我新熟酒。隻雞招近局。日入室中闇。荆薪代明燭。歡來苦夕短。已復至天旭。

附江淹擬陶

種苗在東臯。苗生滿阡陌。雖有荷鋤倦。濁酒聊自適。日莫巾柴車。路暗光已夕。歸人望烟



火稚子候簷隙問君亦何爲百年會有役但願系麻成蓋月得紡績素心正如此開徑望

三益

韓子蒼曰田園六首末篇乃序行役與前五首不類今俗本乃取江淹種苗在東岸爲末篇東坡亦因其誤和之陳述古本止有五首

遊斜川

并序

辛丑正月五日天氣澄和風物開美與

二三鄰曲同遊斜川臨長流望會城

晉陶弘景詩云曾城落足寺也魴鯉躍鱗於將久水鷗

乘和以翻飛彼南阜者名實舊矣不復

乃爲嗟歎若夫曾城傍無依接獨秀中

阜遙想靈山有愛嘉名

天開增城九重其高凌望淮南

子建登中宿增城九欣對不足率爾賦

詩悲日月之遂往悼吾年之不留各疏

年紀鄉里以記其時日

開歲條五日吾生行歸休念之動中懷及辰爲



附錄
茲游氣和天惟澄。班坐依遠流。弱湍號文鯨。開
谷嬌鳴鷗。迴澤散游目。緬然睇曾丘。雖微九重
秀。顧瞻無匹儔。提壺接賓侶。引滿更獻酬。未知
從今去。當復如此否。中觴縱遙情。忘彼千載憂。
且極今朝樂。明日非所求。

示周續之祖企謝景夷三郎

負病頽唐下。終日無一欣。藥石有時閒。念我意
中人。相去不尋常。道路遶何因。剛生蓮孔業。祖
謝嘗然臻。道喪向千載。今朝復斯聞。馬隊非講
肆。校書亦已勤。老夫有所愛。思與爾為鄰。願言
誨諸子。從我頽水流。

乞食

饑來驅我去。不知竟何之。行行至斯里。扣門拙
言辭。主人解予意。遣贈豈虛來。談話終日夕。鶻
至輒傾杯。情欣新知歡。言詠遂賦詩。感子漂母
惠。愧我非韓才。銜戢知何謝。文報以相貽。

諸人共游周家墓栢下

今日天氣佳。清吹與鳴彈。感彼栢下人。安得不



爲歌清歌散新聲綠酒開芳顏未知明日事予
儻良已殫

怨詩楚調示臈主簿鄧治中

天道幽且遠鬼神茫昧然結髮念善事僂僂六
九年弱冠逢世阻始室喪其偏炎火屢焚如咬
試恣中田風雨縱橫至收歛不盈屢夏日長抱
飢寒夜無破眠造夕思難鳴及晨願烏遷在已
何怨天傷憂懷目前吁嗟身後名於我若浮烟
嗚呼獨悲歌鍾期信爲賢

答龐參軍

元序

三復來貺欲罷不能自爾鄰曲冬春再
文欸然良對忽成舊游俗諺云數面成
親舊况情過此者乎人事好乖便當語
離揚公所歎豈惟常悲吾抱疾多年不
復爲文本既不豐復老病繼之輒依周
孔往復之義且爲別後相思之資

相知何必舊傾蓋定前言有客賞我趣每每顧
林園談諧無俗調所說聖人篇或有數斟酒開

飲自歎然。我實幽居士。無復東西緣。物新人惟
舊。弱毫多所宜。情通萬里外。形跡滯江山。君其
愛體素。來會在何年。

五月旦作和戴主簿

虛舟縱逸悼。回復遂無窮。發歲始俛仰。星紀奄
將中。南窓罕悴物。北林榮且豐。神淵寫時雨。晨
色奏景風。既來就不去。人理固有終。居常待其
盡。曲肱豈傷冲。遷化或夷險。肆志無衆隆。卽事
如已高。何必升華嵩。

連雨獨飲

運生會歸盡。終古謂之然。世間有松喬。於今定
何闕。故老贈予酒。乃言飲得仙。試酌百情遠。重
觴忽忘天。天豈去此哉。任真無所先。雲鶴有奇
翼。八表須臾還。自我抱茲獨。僂僂四十年。形骸
久已化。心在復何言。

移居二首

其一

昔欲居南村。非爲卜其宅。聞多素心人。樂與數



陸
晨文懷此頗有年今日從茲役解廬何必廣取
足蔽床席鄰曲時時來抗言談在昔奇文共欣
賞疑義相與抗

其二

春秋多佳日登高賦新詩過門更相呼有酒斟酌之農務各自歸閒暇輒相思相思則披衣言笑無厭時此理將不勝升無為忽去茲衣食當須紀力耕不吾欺

和劉柴桑

道民嘗作柴桑吟

山澤久見招胡事乃躊躇直為親舊故未忍言
索居良辰人許懷挈杖還西廬荒塗無歸人
時見廢墟茅茨已就治新疇復應畚谷風轉凄
薄春醪解饑餉弱女雖非男慰情良勝無栖榻
世中事歲月共相疎親織稱其用過此矣所須
去去百年外身名同翳如

酬劉柴桑

窮居寡人用時忘四運周網庭多落葉慨然已
知秋新葵鬱北牖嘉稊養南疇今我不為樂知

有來歲不命室攜童弱良日登遠遊

和郭主簿二首

其一

落鵲堂前林。中夏貯清陰。說風因時來。回懸開
我襟。息交游閒業。臥起弄書琴。園蔬有餘滋。舊
穀嘗儲今。管已良有極。遊足非所歛。春林作美
酒。酒熟吾自斟。弱子戲我側。學語未成音。此事
真復樂。聊用忘華簪。遙遙望白雲。懷古一何深。

其二

和澤周三春。清涼素秋節。露凝無游氛。天高風
景澈。陵岑聳逸岫。遙瞻皆奇絕。芳菊開林樾。青
松冠巖列。懷此貞秀姿。卓爲霜下傑。銜觴念幽
人。千載撫爾訣。檢素不獲展。厭厭竟良月。

於王撫軍座送客

秋日淒且厲。百卉具已腓。爰以履霜節。登高饒
將歸。寒氣冒山澤。游雲倏無依。洲渚思緬邈。風
水互乖違。驛夕欲良設。離言聿云悲。晨鳥暮來
還。懸車欲餘輝。逝止判殊路。旋駕悵遲遲。目送

回舟遂情隨萬化遺

與殷晉安別

殷先作晉安南府長史豫因居潯陽後作太尉參軍移家東下作此以贈

遊好非久長一遇盡殷執信宿願清話益復知
爲親去歲家南里薄作少時鄰負杖肆游從
渣留忘宵晨語默自殊勢亦知當乖分未謂事已
及與言在茲春飄飄西來風悠悠東去雲山川
千里外言笑難爲因良才不隱世江湖多賤貧

贈有繼過便念來齊故人

贈羊長史

左軍羊長史銜使秦川作此與之

愚生三季後儻然念黃虞得知千載外正賴古
人書賢聖馮餘跡事事在中都豈忘游心目關
河不可踰尤域甫已一逝將理舟輿聞君當先
邁負病不復俱路若經商山爲我少躊躇多謝
綺與角精爽今何如紫芝誰復採深谷久應蕪
駟馬無貫患貧賤有文娛清諾結心曲人乖運

見疎。擁懷累代下。言盡意不舒。

歲暮和張常侍

市朝懷舊人。驟驥感悲泉。明且非今日。歲暮予
何言。素顏歛光潤。白髮一已繁。聞哉秦穆談。旅
力豈未憊。向夕長風起。寒雲沒西山。厲厲私遂
嚴。紛紛飛鳥還。民生鮮常在。翔伊愁苦纏。屢關
清醕至。無以樂當年。窮通靡攸處。顛預由化遷。
撫已有深懷。履運增慨然。

和胡西曹示顧賊曹

糞賓五月中。清朝起南颺。不駛亦不遲。飄飄吹
我衣。重雲蔽白日。聞雨紛微微。流目視西園。曄
曄榮紫莖。於今甚可愛。奈何當復衰。感物願及
時。每恨靡所揮。悠悠待秋稼。寥落將賒遲。遙想
不可淹。猖狂獨長悲。

悲從弟仲德

銜哀過舊宅。悲泪應心零。借問爲誰悲。懷人在
九冥。禮服名羣從。恩愛若同生。門前執手時。何
意爾先傾。在數竟未免。爲山不及成。慈母沉哀



癡。二胤繼教齡。雙位委空館。朝夕無哭聲。流塵
集虛坐。宿草旅前庭。階除曠遊迹。園林獨餘情。
翳然乘化去。終天不復形。遲遲將回步。惻惻悲
襟盈。

陶靖節集卷之二

陶靖節集卷之三

詩五言

始作鎮軍參軍經曲阿

弱齡寄事外。委懷在琴書。被褐欣自得。屢空常
晏如。時來苟冥會。婉孌通衢。投策命晨裝。暫
與園田疎。眇眇孤舟逝。緜緜歸思紆。我行豈不
遙。登陟千里餘。目倦川塗異。心念山澤居。望雲
慙高鳥。臨水愧游魚。真想初在襟。誰謂形跡拘。
聊且憑化遷。終返班生廬。



瓶。二胤繼教齡。雙位委空館。朝夕無哭聲。流塵
集虛坐。宿草旅前庭。階除曠遊迹。園林獨餘情。
翳然乘化去。終天不復形。遲遲將回步。惻惻悲
襟盈。

陶靖節集卷之二

陶靖節集卷之三

詩五言

始作鎮軍參軍經曲阿

弱齡寄事外。委懷在琴書。被褐欣自得。屢空常
晏如。時來苟冥會。婉孌通衢。投策命晨裝。暫
與園田疎。眇眇孤舟逝。緜緜歸思紆。我行豈不
遙。登陟千里餘。目倦川塗異。心念山澤居。望雲
慙高鳥。臨水愧游魚。真想初在襟。誰謂形跡拘。
聊且憑化遷。終返班生廬。



庚子歲五月中從都還阻風於規林

其一

行行循歸路。計日望舊居。一欣侍溫顏。再喜見
友于。鼓棹路崎曲。指景限西隰。江山豈不險。歸
子念前途。凱風負我心。戢柁守窮湖。高莽眇無
界。夏木獨森疎。誰言客舟遠。近聽百里餘。延目
識南嶺。空歎將焉如。

其二

自古歎行役。我今始知之。山川一何曠。巽坎難

長風無息時。久游戀所生。如
何。在茲。靜念園林好。人間良可辭。當年詎有
幾。衆心復何疑。

巽。順也。坎。險也。或曰巽。風也。坎。水也。言
道路行役之艱難。

辛丑歲七月赴假還江陵夜行塗口

閒居三十載。遂與塵事冥。詩書敦夙好。林園無
俗情。如何捨此去。遙遙至南荆。叩柁新秋月。臨
流別友生。涼風起將夕。夜景湛虛明。昭昭天宇



陶集

道山清話云蘇子瞻一日在學士院閒坐命左右取紙書平時文遠風良苗亦懷新兩句大小楷行草凡七八紙連歎息曰好奸散於左右給事者

癸卯十二月中作與從弟敬遠

寢迹衡門下。邈與世相絕。顧眄莫誰知。荆扉晝常開。必結淒淒歲暮風。翳翳經日雪。傾耳無希聲。在目浩已繁。勁氣侵襟袖。單瓢謝屢設。蕭索空宇中。了無一可悅。歷覽千載書。時時見遺烈。

高操非所攀。深得固窮節。平津苟不由。棲遯誰為拙。寄意一言外。茲契誰能別。

乙巳歲三月為建威參軍使都經錢溪

我不踐斯境。歲月好已積。晨夕看山川。事事悉如昔。微雨洗高林。清颺矯雲翮。眷彼品物存。義風都未隔。伊予何為者。勉勵從茲役。一形似有制。素襟不可易。園田日夢想。安得久離析。終懷在歸舟。諒哉宜霜栢。

還舊居



陶集
疇昔家上京。六載去還歸。今日始復來。惻愴多
所悲。阡陌不移舊。邑屋或時非。履歷周故居。鄰
老罕復遺。步步尋往迹。有處特依依。流幻百年
中。寒暑日相推。常恐大化盡。氣力不及衰。發置
且莫念。一觴聊可揮。

戊申歲六月中過火

草廬寄窮巷。甘以辭華軒。正夏長風急。林室頓
燒燼。一宅無遺宇。舫舟陸門前。迢迢新秋夕。卒
奉月將圓。果菜始復生。鶯鳥尚未還。中宵佇遙

念。一畝周九天。總髮抱孤念。奄出四十年。形迹
憑化往。靈府長獨閒。貞剛自有質。玉石乃非堅。
仰想東戶時。餘糧宿中田。鼓腹無所思。朝起暮
歸眠。既已不遇茲。且遂灌西園。

己酉歲九月九日

靡靡秋已夕。淒淒風露交。蔓草不復榮。園木空
自凋。清氣澄餘滓。杳然天界高。哀蟬無歸響。叢
雁鳴雲霄。萬化相尋繹。人生豈不勞。從古皆有
沒。念之中心焦。何以稱我情。濁酒且自陶。千載



非所知聊以永今朝

庚戌歲九月中於西田獲早稻

人生歸有道衣食固其端。就是都不營而以
自安。開春理常業歲功聊可觀。晨出肆微勤日
入負未還。山中饒霜露風氣亦先寒。田家豈不
苦弗獲辭此難。四體誠乃疲庶無異患。千盥濯
息簷下斗酒散襟顏。遙遙沮溺心千載乃相關。
但願長如此躬耕非所歎。

丙辰歲八月中於下溪田舍穫

貧居依稼穡戮力東林隈。不言春作苦常恐負
所懷。司田眷有秋寄聲與我諾。饑者歎初飽束
帶振鳴雞揚櫜越平湖。汎隨清壑迴鬱鬱荒山
裏。後聲聞且哀悲風愛靜夜林鳥喜晨暉。曰予
作此來三四星火願姿年逝已老其事未云乖。
遙謝荷蓀翁聊得從君栢。

蔡寬夫曰秦漢已前字書未備既多假

借而音無反切平仄皆通用自齊梁後

既拘以四聲又限以音韻故士率以偶



儻聲病爲工。文氣安得不卑弱。陶淵明
韓退之時。時擺脫拘忌。故稱字與乖字
皆取傍韻。

飲酒 二十首

予聞居寡歡。兼此夜已長。偶有名酒。無
夕不飲。顧影獨盡。忽焉復醉。既醉之後
輒題數句。自娛紙墨。遂多辭無詮次。聊
命故人書之。以爲歡笑耳。

其二

衰榮無定在。彼此更共之。邵生瓜田中。寧似東
陵時。寒暑有代謝。人道每如茲。達人解其會。逝
將不復疑。忽與一觴酒。日夕歡相持。

漢蕭何傳邵平者。故秦東陵侯。秦破爲
布衣貧。種瓜長安。咸東瓜美。故世謂東
陵瓜。

其二

積善云有報。夷叔在西山。善惡苟不應。何事空
立言。九十行帶索。饑寒况當年。不經固窮節。百



陶集
世當誰傳

列子孔子遊於太山見榮啓期鹿裘帶
索鼓琴而歌孔子曰先生所以樂何也
對曰吾樂甚多天生萬物人爲貴吾得
爲人一樂也男女之別男尊女卑吾得
爲男二樂也人生有不見日月不免襁
褁者吾已行年九十矣三樂也貧者士
之常死者人之終處常得終當何憂乎
哉孔子曰善哉能自寬也

其三

道喪向千載人人惜其情有酒不肯飲但顧世
間名所以貴我身豈不在一生一生復能幾倏
如流電驚鼎鼎百年內持此欲何成

其四

栖栖失羣鳥日暮猶獨飛徘徊無定止夜夜聲
轉悲厲響思清遠去來何依依自植孤生松斂
翮遙來歸勁風無榮木此陰獨不衰託身已得
所千載不相違



其五

結廬在人境。而無車馬喧。問君何能爾。心遠地自偏。採菊東籬下。悠然見南山。山氣日夕佳。飛鳥相與還。此中有真意。欲辯已忘言。

其六

行止千萬端。誰知非與是。是非苟相形。雷同共譽毀。三季多此事。達士似不爾。咄咄俗中惡。且復黃綺。

其七

秋菊有佳色。裛露掇其英。此此忘憂後。遠我遺世情。一觴雖獨進。杯盡壺自傾。日入群動息。歸鳥趨林鳴。嘯傲東軒下。聊復得此生。

其八

青松在東園。泉草沒奇姿。凝霜殄異類。卓然見高枝。連林人不覺。獨樹衆乃奇。提壺挂寒柯。遠望時復爲。吾生夢幻間。何事繼塵羈。

其九

清晨聞叩門。倒裳往自開。問子爲誰歟。田父有



好懷壺漿遠見俄疑我與時乖繼纔茹簷下未
足爲高栖一世皆尚同願君泪其泥深感父老
言稟氣寡所諧紆轡誠可學違已詎非迷且共
歡此飲吾駕不可回

其十

在昔曾遠遊直至東海隅道路邇且長風波阻
中塗此行誰使然似爲僕所驅領身營一飽少
許便有餘恐此非久計息駕歸閑居

其十一

顏生稱爲仁榮公言有道屢空不獲年長饑至
于老雖留身後名一生亦枯槁死去何所知稱
心固爲好客養千金軀臨化消其寶裸葬何必
惡人當解意表

前漢楊王孫臨終令其子曰吾欲裸葬
以反吾真死則爲布囊盛尸入地七尺
既下從足引脫其囊以身親土其子遂
裸葬

其十二

長公會一仕。壯節忽失時。杜門不復出。終身與世離。仲理歸大澤。高風始在茲。一往便當已。何爲復狐疑。去去當奚道。世俗久相欺。擺落悠悠談。請從予所之。

張釋之子張榮字長公官至大夫免以不能取容當世終身不仕

後漢楊倫字仲理爲郡文學椽志乖於時遂去職

其十三

有客常同止。趣捨適異境。一士長獨醉。一夫終年醒。醒醉還相笑。發言各不領。規規一何愚。兀傲差若頽。寄言酣中客。日沒燭當乘。

其十四

故人賞我趣。挈壺相與至。班荆坐松下。數斟已復醉。父老雜亂言。觴酌失行次。不覺知有我。安知物爲貴。悠悠迷所留。酒中有深味。

其十五

貧居乏人工。灌木荒予宅。班班有翔鳥。寂寂無



陶集
行迹。宇宙一何悠。人生少至百。歲月相催逼。鬢
邊早已白。若不委窮達。素抱深可惜。

其十六

少年罕人事。游好在六經。行行向不惑。淹留遂
無成。竟抱固窮節。饑寒飽所更。弊廡交悲風。荒
草沒前庭。披褐守長夜。晨雞不肯鳴。孟公不在
茲。終以警吾情。

其十七

幽蘭生前庭。含薰吐清風。清風脫然至。見別蕭
艾中。行行失故路。任道或能通。覺悟當念還。鳥
盡廢良弓。

其十八

子雲性嗜酒。家貧無由得。時賴好事人。載醪祛
所惑。觴來爲之盡。是謬無不塞。有時不肯言。豈
不在伐國。仁者用其心。何嘗失顯默。

其十九

疇昔苦長飢。投耒去學仕。將養不得節。凍餒固
纏已。是時向立年。志意多所取。遂盡介然分。終



死歸田里。冉冉星氣流。亭亭復一紀。世路靡悠
悠。楊朱所以止。雖無禪金事。濁酒聊可恃。

其二十

義農去我久。舉世少復真。汲汲魯中叟。孺終使
其淳。鳳鳥雖不至。禮樂誓得新。朱酒輟微嘗。滌
流遠狂秦。詩書復何罪。一朝成灰塵。區區諸老
翁。爲事誠殷勤。如何絕世下。六籍無一親。終日
馳車走。不見所問津。若復不快飲。空負頭上巾。
但恨多謬誤。君當起醉人。

止酒

居止次城邑。逍遙自閒止。坐止高蔭下。步止草
門裏。好味止園葵。大歡止稚子。平生不止酒。止
酒情無喜。暮止不安寢。晨止不能起。日日欲止
之。營衛止不理。徒知止不樂。未知止利已。始覺
止爲善。今朝真止矣。從此一止去。將止扶桑溪。
清顏止宿容。奚止千萬祀。

遣酒

重離照南陸。鳴鳥聲相聞。秋草雖未黃。離風久



已分素磔鼎脩者。南嶽無餘雲。豫章抗高門。重
華固靈璣。流淚抱中歎。傾耳聽司晨。神州獻嘉
粟。西靈爲我馴。諸梁董師旅。羊勝喪其身。山陽
歸下國。成名猶不勅。卜生善斯牧。安樂不爲君。
平王去蕩京。峽中納遺薰。雙陵甫云育。三趾顯
奇文。王子愛清吹。日中翔河汾。朱公練九齒。閒
居離世紛。義義西嶺內。偃息常所親。天容自永
固。彭殤非等倫。

黃山谷云羊勝當是羊勝羊勝白公也

沈諸梁葉公也殺白公勝

湯東澗曰按晉元熙二年六月劉裕廢
恭帝爲零陵王明年以毒酒一甕授張
偉使醜王偉自飲而卒繼又令兵入除
垣進藥王不肯飲遂掩殺之此詩所爲
作故以迷酒名篇詩辭盡隱語故觀者
弗直獨韓子蒼以山陽下國一語疑是
義熙後有感而賦予反覆詳考而後知
決爲零陵哀詩也



附傳按此詩多不可解而山陽安樂二
公則明指漢蜀二帝以比零陵真有不可
能顯言者故雜以僻奧使人尋求不可
猝諳然前人知山陽而不解安樂吳草
盧曰連酒等作殆欲爲孔明之事而無
其實良有以也

責子

白髮被兩鬢肌膚不復實雖有五男兒總不好
紙筆阿舒已二人懶惰故無匹阿宣行志學而

不受文術雞端年十三不識六與七通子垂九
齡但覓梨與栗天運苟如此且進杯中物

黃山谷曰淵明此詩想見其人慈祥戲
謔可觀也俗人便謂淵明諸子皆不肖
而淵明慈歎見於詩所謂癡人前不得
說夢也

有會而作

并序

舊穀既沒新穀未登頗爲老農而值年
災日月尚悠爲慮未已登歲之功既不



陶靖節集

可希朝夕所資。烟火裁通。旬日已來。始
念饑乏。歲云夕矣。慨然永懷。今我不述。
後生何聞哉。

弱年逢家乏。老至更長饑。菽麥實所羨。孰敢慕
其肥。怒如亞九飯。當暑厭寒衣。歲月將欲暮。如
何辛苦悲。常善滂者心。深恨蒙袂非。嗟來何足
吝。徒沒空自遺。斯濫豈彼志。固窮風所歸。餒也
已矣夫。在昔予多師。

蜡日

風雪送餘運。無妨時已和。梅柳夾門植。一條有
佳花。我唱爾言得。酒中適何多。未能明多少。章
山有奇歌。

陶靖節集卷之三





國立中央圖書館 臺灣分館






國立中央圖書館, 臺灣, 中華民國




2025.0001 NATIONAL CENTRAL LIBRARY, TAIWAN R.O.C



2025.01282 NATIONAL CENTRAL LIBRARY, TAIWAN R.O.C





陶靖節集卷之四

詩五言

擬古九首

其一


榮榮憲下蘭。密密堂前柳。初與君別時。不謂行
當久。出門萬里客。中道逢嘉友。未言心相醉。不
在撥杯酒。蘭枯柳亦衰。遂令此言負。多謝諸少
年。相知不忠厚。意氣傾人命。離隔復何有。

其二

陶集

卷四

七



REPRODUCED WITH THE CENTRAL LIBRARY, TAINAN, R.O.C.

7943677 112



辭家夙嚴駕。當往志無終。問君今何行。非商復非戎。聞有田子春。節義爲士雄。斯人久已死。鄉里習其風。生有高世名。旣沒傳無窮。不學狂馳子。直在百年中。

陳壽魏志田疇字子春漢北平無終人時董卓遷帝於長安幽州牧劉虞欲遣使奔問行在聞疇奇士乃署爲從事道路阻絕遂尋間道至長安致命詔拜騎都尉疇以天子蒙塵不可荷佩榮寵固

辭不受得報還虞已爲公孫瓚所滅疇謁祭虞墓陳發章表哭泣而去遂入徐無山中曰君讎不報吾不可以立於世

其三

仲春蓮時雨。始雷發東隅。衆蟄各潛蛰。草木從橫舒。翩翩新來燕。雙雙入我廬。先巢故尚在。相將還舊居。自從分別來。門庭日荒蕪。我心固匪石。君情定何如。

其四

迢迢百尺樓。分明望四荒。暮作歸雲宅。朝爲飛
鳥堂。山河滿目中。平原獨莽茫。古時功名士。慷
慨爭此場。一旦百歲後。相與還北垵。松栢爲人
伐。高墳互低昂。頽基無遺主。遊魂在何方。榮華
誠足貴。亦復可憐傷。

其五

東方有一士。被服常不完。三旬九遇食。十年著
一冠。辛苦無此比。常有好奇顏。我欲觀其人。晨
去越河關。青松夾路生。白雲宿簷端。知我故來

意。取琴爲我彈。上絃驚別鶴。下絃撥孤鶯。願留
就君住。從今至歲寒。

其六

蒼蒼谷中樹。冬夏常如茲。年年見霜雪。誰謂不
知時。厥聞世上語。結友到臨淄。稷下多談士。指
彼決吾疑。裝束既有日。已與家人辭。行行停出
門。還坐更自思。不怨道里長。但畏人我欺。萬一
不合意。永爲世笑之。伊懷難具道。爲君作此詩。

其七



日暮天無雲。春風扇微和。佳人美清夜。達曙酣
且歌。歌竟長歎息。持此感人多。皎皎雲間月。灼
灼葉中華。豈無一時好。不久當如何。

其八

少時壯且厲。撫劍獨行游。誰言行游近。乘掖至
幽州。饑食首陽薇。渴飲易水流。不見相知人。惟
見古時丘。路邊兩高墳。伯牙與莊周。此士鬱再
得。吾行欲何求。

其九

種桑長江邊。三年望當採。枝條始欲茂。忽值山
河改。柯葉自摧折。根株浮滄海。春蠶既無食。寒
衣欲誰待。本不植高原。今日復何悔。

雜詩十二首

其一

人生無根蒂。飄如陌上塵。分散逐風轉。此已非
常身。落地爲兄弟。何必骨肉親。得歡當作樂。斗
酒聚比隣。盛年不重來。一日難再晨。及時當勉
勵。歲月不待人。



其二

白日淪西河。素月出東嶽。遺遺萬里輝。蕩蕩空中景。風來入房戶。夜中枕席冷。氣變悟時易。不眠知夕永。欲言無子和。揮杯勸孤影。日月擲人去。有志不獲聘。念此懷悲悵。終晚不能靜。

其三

榮華難久居。盛衰不可量。昔為三春藥。今作秋蓮房。嚴霜結野草。枯悴未遽央。日月有環周。我去不再陽。眷眷往昔時。憶此斷人腸。

其四

丈夫志四海。我願不知老。親戚共一處。子孫還相保。鴈絃肆朝日。鱗中酒不燥。綬帶盡歡娛。起晚眠常早。孰若當世士。冰炭滿懷抱。百年歸丘壟。用此空名道。

其五

憶我少壯時。無樂自欣豫。狂志逸四海。騫翮思遠翥。荏苒歲月移。此心稍已去。值歡無復娛。每每憂憂慮。氣力漸衰損。轉覺日不如。壑舟無須



史引我不得住。前登當幾許。未知止泊處。古人
惜寸陰。念此使人懼。

其六

昔聞長者言。掩耳每不喜。奈何五十年。忽已親
此事。求我盛年歡。自二十一至二十九為盛年。一毫無復意。
去去轉欲遠。此生豈再值。傾家時作樂。竟此歲
月駛。有子不畱金。何用身後置。

按此詩靖節年五十作也。時義熙十年。

甲寅 初廬山東林寺主釋慧遠集

素於山西巖下。結白蓮社。及是秋。命劉

遺民撰同誓文。以申嚴事。其間譽望

尤著者。置社中十八賢。劉遺民、單道、常

之、張野、時秘書丞謝靈運。負才傲物。一

見遠公。遂改容致敬。因於神殿後。鑿二

池。植白蓮。以規求入社。遠公察其心。雖

拒之。中書侍郎范甯守豫章。遠公移書

邀入社。甯辭不至。蓋未能頓委世緣也。

靖節與遠公雅素。寧為方外交。而不願

尚社列遠公遂作詩博酒鄭重招致竟
不可識靖節一日謁遠公甫及寺外
聞鐘聲不覺輦客遠命還駕法眼禪師
晚參示衆云今夜鐘鳴復來有何事若
是陶淵明撥肩却迴去張商英詩云虎
溪回首去陶令趣何深謝無遠詩云淵
明從遠公了此一大事下視區中賢累
不可人意遠公居山餘三十年送賓
游履常以虎溪爲界他日借嗜箇簡寂

禪觀主陸脩靜語不覺過虎溪數百步
虎輒驟鳴因相與大笑而別石恪遂作
三笑圖東坡贊之李伯時運社圖李元
宗紀之足標一時風致云

詩律按前人論此詩爲先生五十歲作
似屬太拘而年譜不載甲寅年下誠爲
有見且傳會廬山遠公事而詩中無一
句及之其不相掌如此又高僧傳稱遠
公持律精苦而此云作詩博酒不太多

事乎至拒靈運。邀豫章。紛紜簡釋。何以爲遠公。竊疑好事者爲之。非常時故實也。然東坡云。遠公沽酒飲陶潛。或通人方外。真有不復拘拘者耶。而曰沽差近人矣。張商英詩。何足稱引。及觀宋史本傳云。商英初。媾溫公已而背叛。力請仆碑。毀冢。至。懟宣仁比之呂武。而導誓宗以讎祖母。豈惟章蔡之鷹犬。抑亦古今之鏡泉方知護法一論。未是彼中龍。

象也。又烏言虎溪之趣哉。

其七

日月不肯遲。四時相催迫。寒風拂枯條。落葉掩長陌。弱質與運瓶。玄爨早已白。素標却人頭。前途漸就窄。家爲逆旅舍。我如當去客。客去欲何之。南山有舊宅。

其八

代耕本非望。所業在田桑。躬親未曾替。寒餒常糟糠。豈期過滿腹。但願飽糲糲。御冬足大布。籠

緜以應陽。正爾不能得。哀哉亦可傷。人皆盡獲
宜。拙生失其方。理也可奈何。且爲胸一臆。

山谷云。正爾不能得。適當時語。改正作
止。甚失語法。

其九

遙遙從竊役。一心處兩端。掩淚沉東逝。願流追
時遷。日沒星與昇。勢將西山巔。蒼條隔天涯。惆
悵念常餐。慷慨思南歸。路遐無由緣。關梁難虧
替。絕音寄斯篇。

其十

閒居執蕩志。時駛不可稽。驅役無停息。軒裳逝
東嶷。沉陰擬薰曠。寒氣激我懷。歲月有常御。我
來淹已彌。慷慨憶綢繆。此情久已離。在再經十
載。誓爲人所羈。庭宇翳餘木。條忽日月虧。

其十一

我行未云遠。回顧慘風涼。春燕應節起。高飛拂
塵梁。邊鴈悲無所。代謝歸北鄉。離鷗鳴清池。涉
暑經秋霜。愁人難爲辭。遙遙春夜長。



其十二
娟娟松標雌。婉婉柔童子。年始三五間。喬柯何
可倚。養色含津氣。粲然有心理。

詠貧士 七首

其一

萬族各有託。孤雲獨無依。股暖空中滅。何時見
餘暉。朝霞開宿霧。衆鳥相與飛。遲遲出林翮。未
夕復來歸。量力守故職。豈不寒與饑。知音苟不
存。已矣何所悲。

其二

淒厲歲云暮。擁衲曝前軒。南園無遺秀。枯條盈
北園。傾壺絕餘瀝。闔窻不見煙。詩書塞座外。日
昃不遑研。閒居非陳厄。竊有慍見言。何以慰吾
懷。賴古多此賢。

其三

榮叟老帶索。欣然方彈琴。原生納決履。清歌暢
高音。重華去我久。貧士世相尋。微襟不掩肘。藜
羹常乏斟。豈忘藁輕裘。苟得非所欽。賜也徒能



辯乃不見吾心

其四

安貧守賤者自古有黔婁好爵吾不榮厚餽吾不酬一旦壽命盡敝服仍不周豈不知其極非道故無憂從來將千載未復見斯儔朝與仁義生夕死復何求

劉向列女傳魯黔婁妻者魯黔婁先生之妻也先生死曾子哭之畢曰何以爲謚其妻曰以康爲謚曾子曰先生在時

食不充口衣不蓋形死則手足不斂何樂於此而謚爲康曰昔先生君嘗欲授之政以爲國相辭而不受是有餘貴也君嘗賜之粟三千鍾辭而不受是有餘富也彼先生者甘天下之淡味安天下之卑位不戚戚於貧賤不忻忻於富貴其謚曰康不亦宜乎

其五

袁安困積雪邈然不可干阮公見錢入卽日棄



其官芻蕘有常溫採芑足朝食豈不實辛苦所
懼非饑寒貧富常交戰道勝無威顏至德冠邦
闈清節映西關

漢書洛陽大雪丈餘縣令出見袁安門
無行迹謂其已死人見安偃臥問其故
答曰大雪人乏食不宜干人

其六

仲蔚愛窮居遠宅生蒿蓬翳然絕交游賦詩頌
能工舉世無知者止有一劉冀此士胡獨然寔

由罕所同介焉安其業所樂非窮通人事固以
拙聊得長相從

張仲蔚所處蓬蒿没人閉門養性時人
莫知惟劉冀知之

其七

昔在黃子廉彈冠佐名州一朝辭吏歸清貧略
難儔年饑感仁妻泣涕向我流丈夫雖有志固
爲兒女憂惠孫一晤歎臙脂竟莫酬誰云固窮
難題哉此前脩

風俗通潁川黃子廉每飲馬輒投錢於水其清可知○陳壽吳志黃蓋傳南陽太守黃子廉之後也

詠二疏

并序

漢疏廣傳廣字仲翁爲太子太僕子受爲太子少傅在位五歲廣謂受曰知足不辱知止不殆今仕宦至二千石名立如此不去懼有後悔豈如父子相隨出關歸老故鄉不亦善乎卽日上疏乞

骸骨宣帝許之公卿大夫故人邑子設祖道供帳東都門外送者車數百兩觀者皆曰賢哉二大夫廣歸鄉里日具酒食故舊賓客與相娛樂

大象轉四時。功成者自去。借問來周來。幾人得其趣。游目漢廷中。二疏復此舉。高嘯返舊居。長揖儲君傅。餞送傾皇朝。華軒盈道路。離別情所悲。餘榮何足顧。事勝感行人。賢哉豈常譽。厭厭閭里歡。所營非近務。促席延故老。揮鷓道平素。



問金終寄心。清言晚未悟。放意樂餘年。違恤身
後慮。誰云其人亡。久而道彌著。

詠三良

并序

三良子車氏子奄息仲行鍼虎穆公殛
康公從治命以三子爲殉國人哀之賦

黃鳥

彈冠乘通津。但懼時我遺。服勤盡歲月。常恐功
愈微。忠情謬獲露。遂爲君所私。出則陪文輿。入
必侍丹帷。箴規嚮已從。計議初無虧。一朝長逝
後。繫言同此歸。厚恩固難忘。君命安可違。臨穴
罔惟疑。投義志攸希。荆棘籠高墳。黃鳥聲正悲。
良人不可賸。泫然沾我衣。

葛常之曰黃鳥之詩序者謂國人刺繆
公以人從死則答在秦穆不在三良王
仲宣云結髮事明君受恩良不替臨沒
要之死焉得不相隨陶元亮云厚恩固
難忘君命安可違是皆不以三良之死
爲非也至李德裕則謂社稷死則死之

不可許之死。欲與梁丘據安陵君同議。則是罪三良之死非其所矣。然君命之於前。衆驅之於後。爲三良者。雖欲不死。得乎。柳子厚云。疾病命固亂。魏氏言有章。從邪陷厥父。吾欲討彼狂。使康公能如魏顆。不用亂命。則豈至陷父於不義。東坡和陶亦云。顧命有治亂。臣子得從違。魏顆真孝愛。三良安足希。與柳子之論合。然坡公過秦穆墓詩。乃云穆公生

不誅孟明。豈有死之日。而忍用其良。乃知三子殉公意。亦如齊之二子從田橫。則又言三良之殉。非穆公之意也。

詠荆軻

燕丹善養士。志在報強虜。招集百夫良。歲暮得荆卿。君子死知已。提劍出燕京。素驥鳴廣陌。慷慨送我行。雄髮指危冠。猛氣衝長纒。飲饜易水上。四座列羣英。漸離擊悲筑。宋意唱高聲。蕭蕭哀風逝。淡淡寒波生。商音更流涕。羽奏壯士驚。



心知去不歸。且有後世名。登車何時顧。飛蓋入秦庭。凌厲越萬里。遠邁過千城。圖窮事自至。豪主正征營。借哉劍術疎。奇功遂不成。其人雖已沒。千載有餘情。

淮南子高漸離宋意爲擊筑而歌於易水之上。魯句踐聞荆軻之刺秦王曰。惜哉其不講於刺劍之術也。

讀山海經 十三首

其一

孟夏草木長。遶屋樹扶疎。衆鳥欣有託。吾亦愛吾廬。旣耕亦已種。時還藉我書。窮巷隔深轍。頗迴故人車。欲然酌春酒。摘我園中蔬。微雨從東來。好風與之俱。汎覽周王傳。流觀山海圖。俯仰終宇宙。不樂復何如。

周穆天子傳者太康二年汲縣民發古冢所獲書也。

其二

玉臺凌霞秀。王母怡妙顏。天地共俱生。不知幾



何年靈化無窮已。館字非一山。高耐發新謠寧效俗中言。

山海經云玉山王母所居又云處崑崙之丘郭璞註云王母亦自有離宮別館不專住一山也穆天子傳西王母宴穆王於瑤池之上爲天子謔曰云云

其三

遐邇槐江嶽。是謂玄圃丘。西南望崑墟。光氣耀與儔。亭亭明玕照。落落清瑤流。恨不及周穆。託

乘一來游。

山海經云槐江之山其上多琅玕寶珠。帝之平圃。南望崑崙。崑崙其光能照其氣。魂魂爰有滛流。其清洛洛。平圃卽玄圃。滛流上音蓬。穆傳天子銘跡於玄圃之上。

其四

丹木生何許。乃在崑崙山。陽黃花復未實。食之壽命長。白玉凝素液。瑾瑜發奇光。豈伊君子寶。



見重我軒蓋。

山海經云崑山上多丹木黃花而赤實食之不饑丹水出焉其中多白玉是有玉齊黃帝是食是饗璿瑜之玉爲良潤澤而有光君子服之以禦不祥。

其五

翻翻三青鳥。毛色奇可憐。朝爲王母使。暮歸三危山。我欲因此鳥。具向王母言。在世無所須。惟酒與長年。

山海經云三青鳥主爲西王母取食。又曰三危之山三青鳥居之。

其六

逍遙蕪臯上。杳然望扶木。洪柯百萬年。森徹覆暘谷。靈人侍丹池。朝朝爲日浴。神景一登天。何幽不見燭。

山海經云大荒之中有山上有扶木柱三百里有谷曰暘谷。上有扶木。註云扶桑在上。



其七

粲粲三珠樹寄生赤水陰亭亭凌風桂八幹共成林靈鳳撫雲舞神鸞調玉音雖非世上寶爰得王母心

其八

山海經云三珠樹生赤水上其樹如栢葉皆爲珠桂林八樹在番禺東八樹而成林言其大也哉民之國爰有歌舞之鳥鸞鳥自歌鳳鳥自舞

自古皆有沒何人得靈長不死復不老萬歲如平常赤泉給我飲員丘是我糧方與三辰游壽考豈渠央

山海經云不死民在交脛國東其人黑色壽不死

其九

夸父誕宏志乃與日競走俱至虞淵下似若無勝負神力既殊妙傾河焉足有餘迹寄鄧林功竟在身後



山海經云夸父不量力欲追日景逮之於曷谷渴欲得飲飲於河渭河渭不足北飲大澤未至道渴而死棄其杖化為鄧林注夸父者神人之名也其能及日景而傾河渭豈以走飲哉

其十

精衛銜微木將以填滄海刑天舞干戚猛志故常在同物既無處化去不復悔徒設在昔心良長詎可待

山海經云精衛炎帝之少女名曰女娃游於東海溺而不反故爲精衛常於山石以堙東海

曾絃曰余嘗評陶公詩語造平淡而寓意深遠外若枯槁中實敷腴真詩人之冠冕也平生酷愛此作每以世無善本爲恨因山海經詩云形夭無千歲猛志固常在疑上下文義不相貫遂取山海經參校經中有云刑天獸名也口中好



衍干戚而舞乃知此句是刑天舞干戚
故與猛志固常在相應五字皆說蓋字
畫相近無足怪者因思宋宣獻言校書
如拂几上塵旋掃旋生豈欺我哉

其十一

巨猾肆威暴。欽軀違帝旨。竇竊見強能變。祖江
遂獨死。明明上天鑒。爲惡不可履。長枯固已劇。
鶴鷄豈足恃。

山海經云鍾山神其子曰放是與欽鷄

耶殺祖江於崑崙之陽帝乃戮之欽鷄
化爲大鷄鼓亦化爲鷄鳥見卽其邑大
早 竇竊龍首居弱水中注云本蛇身
人面爲貳負臣所殺復化而成此物

其十二

鷓鴣音見城邑其國有放土念彼懷生世當
時數來止青丘有奇鳥自言獨見爾本爲迷者
生不以喻君子

山海經云惟山有鳥其狀如鷓其名曰

TIFFEN Color Control Patches



鴉見則其縣多放士注放逐也青丘
之山有鳥狀如鴉

其十三

巖巖顯朝市帝者慎用才何以廢共鯨重華爲
之來仲父獻誠言姜公乃見猜臨沒告饑渴當
復何及哉

擬挽歌辭

其一

有生必有死早終非命促昨暮同爲人今日在

鬼錄魂氣散何之枯形寄空木嬌兒索父啼良
友撫我哭得夫不復知是非安能覺千秋萬歲
後誰知榮與辱但恨在世時飲酒不得足

其二

在昔無酒飲今但湛空觴春醪生浮蟻何時更
能嘗殺索盈我前親舊哭我傍欲語口無音欲
視眼無光昔在高堂寢今宿荒草鄉一本有荒
草無人識一朝出門去歸來夜未央

其三



荒草何茫茫。白楊亦蕭蕭。嚴霜九月中。送我出
遠郊。四面無人居。高墳正崔嵬。馬爲仰天鳴。風
爲自蕭條。幽室一已閉。千年不復朝。千年不復
朝。賢達無奈何。向來相送人。各自還其家。親戚
或餘悲。他人亦已歌。死去何所道。託體同山阿。
祔寬曰。昔人自作祭文。挽詩者多矣。或
寓意騁辭。成於暇日。寬攷大靖節詩文。
乃絕筆於祭挽三篇。蓋出於屬纊之際。
者辭情俱達。尤爲精麗。其於晝夜之道。

了然如此。古之聖賢。唯孔子曾子能之。
見於曳杖之歌。易簣之言。嗟哉斯人。沒
七百年。未聞有稱贊及此者。因表而出
之。附于卷末。

趙泉山曰。嚴霜九月中。送我出遠郊。與
自祭文律中無射之月相符。知挽辭乃
將逝之夕作。是以梁昭明采此辭入選。
止題曰陶淵明挽歌。而編次本集者不
悟。乃題云擬挽歌辭。會端伯曰。秦少游



將亡效淵明自作哀挽王平甫亦云九月清霜送陶令此則挽辭決非擬作從可知矣

晉桓伊善挽歌庾亮亦喜爲挽歌每自搖大鈴爲唱使左右齊和袁山松遇出游則好令左右作挽歌類皆一時名流達士習尚如此非如今之人例以爲悼亡之語而惡言之也

按蘇劉皆不和豈畏死耶

聯句

鳴鴈乘風飛去去當何極念彼窮居士如何不歎息周明雖欲騰九萬扶搖竟何力遠招王子喬雲駕庶可飭指之顧侶正徘徊離離翔天側霜露豈不切務從忘愛翼指之高柯涉餘翰遠眺同天色思絕慶未看徒使生迷惑詞明

四時

此聯歌之辨情詩類文有全篇然顧詩首尾不類當此警絕

春水滿四澤夏雲多奇峰秋月揚明輝冬嶺秀孤松



許彥國詩話曰此顧長康詩誤入彭澤集

劉斯立曰當是訊之用此足成全篇篇中惟此善策居然可知或雖顧作澗明摘出四句可謂善擇矣

問來使

爾從山中來早晚發天目我屋南窓下今生幾叢菊薔薇葉已抽秋蘭氣當馥歸去來山

中酒應熟

西清詩話曰此節獨流唐與晁文元家二本有之

東澗曰此蓋晚唐人因太白感秋詩而偽爲之



陶靖節集卷之五

賦 詞 傳 記 疏 祭文

感士不遇賦 并序

昔董仲舒作士不遇賦。司馬子長又爲
之余。嘗以三餘之日。講習之暇。讀其文。
慨然惆悵。夫履信思順。生人之善行。抱
朴守靜。君子之篤素。自真風告逝。大偽
斯興。閭閻懈廉退之節。市朝舉易進之
心。懷正志道之士。或潛玉於當年。潔已



陶靖節集卷之五

賦 詞 傳 記 疏 祭文

感士不遇賦 并序

昔董仲舒作士不遇賦。司馬子長又爲
之余嘗以三餘之日。講習之暇。讀其文。
慨然惆悵。夫履信思順。生人之善行。抱
朴守靜。君子之篤素。自真風告逝。大偽
斯興。閭閻懈廉退之節。市朝舉易進之
心。懷正志道之士。或潛玉於當年。潔已



清操之人。或沒世以徒勤。故夷皓有安
歸之歎。三閔發已矣之哀。悲夫。寓形百
年。而瞬息已盡。立行之難。而一城莫賞。
此古人所以染翰慷慨。屢伸而不能已
者也。夫學達意氣。其惟文乎。撫卷躊躇。
遂感而賦此。

咨大塊之受氣。何斯人之獨靈。稟神智以蔽照。
秉三五而垂名。或擊壤以自歡。或大濟於蒼生。
靡潛躍之非分。常傲然以稱情。世流浪而遂徂。

物羣分以相形。密網裁而魚駭。宏羅制而鳥驚。
彼達人之善覺。乃逃祿而歸耕。山巖巖而懷影。
川汪汪而藏聲。望軒唐而永歎。甘賔賤以辭榮。
淳源汨以長分。美惡作以異途。原百行之攸貴。
莫爲善之可娛。奉上天之成命。師聖人之遺書。
發忠孝於君親。生信義於鄉閭。推誠心而獲顯。
不矯然而祈譽。嗟乎。雷同毀異。物惡其上。妙筭
者謂迷。直道者云妄。坦至公而無猜。卒蒙恥以
受說。雖懷瑾而握蘭。徒芳潔而誰亮。哀哉。士之



不遇已不在矣帝帝魁之世。駕祇脩以自勸。豈
三省之或廢。庶進德以及時。時既至而不惠。無
愛生之語言。念張季之終歲。愍馮叟於郎署。顯
魏守以納計。雖健然於必知。亦苦心而曠歲。審
夫市之無虎。眩三夫之獻說。悼賈傳之秀朗。紆
遠帶於促界。悲董相之凋致。屢乘危而幸濟。感
哲人之無偶。淚淋漓以濯袂。承前王之清誥。曰
天道之無親。澄得一以作鑒。恒輔善而佑仁。夷
投老以長饑。回早夭而又貧。傷請車以備櫛。悲

茹微而殞身。雖好學與行義。何死生之苦辛。疑
報德之若茲。懼斯言之虛陳。何曠世之無才。罕
無路之不澀。伊古人之慷慨。病奇名之不立。廣
結髮以從政。不愧賞於萬邑。屈雄志於戚豎。竟
尺土之莫及。留誠信於身後。勸衆人之悲泣。商
盡規以拯弊。言始順而患入。美良辰之易傾。胡
害勝其乃急。蒼曼遐緬。人事無已。有感有昧。曷
測其理。寧固窮以濟意。不委曲而累已。既軒冕
之非榮。宜緼袍之爲恥。誠謬會以取批。且欣然

而歸止。推孤襟以畢歲。謝良價於朝市。

韻語陽秋曰。藝經云。壤以木爲之前廣。後狹。長尺四寸。闊三寸。其形如履。將戲。先側擊壤於地。遠三四十步。以手中壤擊之中者爲上。蓋古戲也。

閑情賦

序

初張衡作定情賦。蔡邕作靜情賦。檢逸辭而宗澹泊。始則蕩以思慮。而終歸閑正。將以抑流宕之邪心。諒有助於諷諫。

綴文之士。奕代繼作。並因觸類。廣其辭義。余固聞多暇。復染翰爲之。雖文妙不足。庶不謬作者之意乎。

夫何瓌逸之令姿。獨曠世以秀群。表傾城之艷色。期有德於傳聞。佩鳴玉以比潔。齊幽蘭以爭芬。淡柔情於俗內。負雅志於高雲。悲晨曠之易歎。感人生之長勅。同一盡於百年。何懽寡而愁歎。褰朱幃而正坐。汎清瑟以自欣。送纖指之餘好。攘皓袖之纈。綵聯美目。以流眄。含言笑而不

余曲調將半。景落西軒。悲商叩林。白雲依山。仰
睇天路。俯促鳴絃。神儀繼媧。舉止詳妍。激清音
以感余。願接膝以交言。欲自往以結誓。懼冒禮
之爲僞。待鳳鳥以致辭。恐他人之我先。意惶惑
而靡寧。魂須臾而九遷。願在衣而爲領。承華首
之餘芳。悲羅襟之宵離。怨秋夜之未央。願在裳
而爲帶。束窈窕之纖身。嗟溫涼之異氣。或脫故
而服新。願在髮而爲澤。刷玄鬢於頰肩。悲佳人
之屢沐。從白水以枯煎。願在眉而爲黛。隨瞻視

以聞揚。悲脂粉之尚鮮。或取毀於華粧。願在莞
而爲席。安弱體於三秋。悲文茵之代御。方經年
而見求。願在絲而爲履。附素足以周旋。悲行止
之有節。空委棄於床前。願在畫而爲影。常依形
而西東。悲高樹之多蔭。慨有時而不同。願在夜
而爲燭。照玉容於兩楹。悲扶桑之舒光。奄滅景
而藏明。願在竹而爲扇。含凄屬於柔握。悲白露
之晨零。傾襟袖以緬進。願在木而爲桐。作膝上
之鳴琴。悲樂極以哀來。終推我而輟音。考所願



而必違徒契吳以苦心擁芳情而閉訴步容與
於南林栖木蘭之遺露翳青松之餘陰僮行行
之有觀交欣懼於冲襟竟寂寞而無見獨怕想
以空尋欲輕裾以復路瞻夕陽而流歎步徙倚
以志越色慘淒而矜顏葉變爨以去條氣淒淒
而就寒日負影以借沒月媚景於雲端鳥悽聲
以孤歸獸索偶而不還悼當年之晚暮恨茲歲
之欲殫思宵夢以從之神飄飄而不安若憑舟
之失棹譬綠暉而無攀於時畢歸盈軒北風淒

妻惘惘不寤衆念徘徊起搯帶以伺晨繁霜聚
於素階雞欲翅而未鳴笛流遠以清哀始妙密
以閒和終寥亮而被摧意夫人之在茲託行雲
以送懷行雲逝而無歸時奄冉而就過寒冉冉就過
而不我歸時亦奄冉而就過徒勤思以自悲終阻山而帶河
迎清風以祛累寄弱志於歸波尤蔓草之爲會
誦邵南之餘歌坦萬慮以存誠思遙情於八遐

昭明太子序云白璧微瑕惟在閑情一
賦○東坡曰淵明作閑情賦所謂國風



好色而不淫。與屈宋所陳何異。而統大
議之。此乃小兒強作解事者。

歸去來兮辭

并序

余家貧。樵植不足以自給。幼雅盈室。辨
無儲粟。生所資未見其術。親故多勸
余爲長吏。脫然有懷。求之靡途。會有四
方之事。諸侯以患愛爲德。家叔以余貧
苦。遂見用於小邑。于時風波未靜。心憚
遠役。彭澤去家百里。公田之利。足以爲

酒。故僦求之。及少日。眷然有歸與之情。
何則。質性自然。非矯厲所得。饑寒雖切。
違已交病。嘗從人事。皆口腹自役。於是
愴然慷慨。深媿平生之志。猶望一稔。當
歛裳宵逝。尋程氏妹喪於武昌。情在駿
奔。自免去職。仲秋至冬。在官八十餘日。
因事順心。命篇曰歸去來兮。乙巳歲十
一月也。

歸去來兮。田園將蕪。胡不歸。既自以心爲形役。



真惻悵而獨悲。悟已往之不諫。知來者之可追。
寔迷途其未遠。覺今是而昨非。舟遙遙以輕颺。
風飄飄而吹衣。問征夫以前路。恨晨光之熹微。
乃瞻衛宇。載欣載奔。僮僕歡迎。稚子候門。三徑
就荒。松菊猶存。携幼入室。有酒盈樽。引壺觴以
自酌。眴庭柯以怡顏。倚南窗以寄傲。審容膝之
易安。園日涉以成趣。門雖設而常關。策扶老以
流憩。時矯首而遐觀。雲無心而出岫。鳥倦飛而
知還。景翳翳以將入。撫孤松而盤桓。歸去來兮。

請息交以絕游。世與我而相違。復駕望口兮焉求。
悅親戚之情話。樂琴書以消憂。農人告余以春
及。將有事於西疇。或命巾車。或棹孤舟。既窈窕
以尋壑。亦崎嶇而經丘。木欣欣以向榮。泉涓涓
而始流。始音善萬物之得時。感吾生之行休。已
矣乎。寓形宇內復幾時。曷不委心任去留。胡爲
乎遑遑兮欲何之。富貴非吾願。帝鄉不可期。懷
良辰以孤往。或植杖而耘耔。登東皋以舒嘯。臨
清流而賦詩。聊乘化以歸盡。樂夫天命復奚疑。

TIFFEN Color Control Patches



扶老藤也見後漢書蔡順傳注又談助
云中竹可爲杖謂之扶老

歐陽文忠公曰晉無文章惟陶淵明歸
去來今辭一篇而已

朱文公曰其詞義爽曠蕭放雖託楚聲
而無尤怨切感之病

東坡曰俗傳養生入官庫見錢不識或
怪而問之生曰固知其爲錢但怪其不
在紙裏中淵明歸去來辭云辦無儲粟

此翁平生只於餅中見粟也耶

五柳先生傳

并贊

先生不知何許人也亦不詳其姓名字宅邊有五
柳樹因爲號焉閒靜少言不慕榮利好讀書
不求甚解每有會意便欣然忘食性嗜酒家貧
不能常得親舊知其如此或置酒而招之造飲
輒盡期在必醉既醉而退曾不爰情去盡環堵
蕭然不蔽風日短褐穿結單屣屢空晏如也常
著文章自娛頗示已志忘懷得失以此自終



附錄

九

贊曰

黔婁有言不戚戚於貧賤不汲汲於富貴味其
言茲若人之儔乎。酬應賦詩以樂其志無懷氏
之民。螺為天氏之民。螺。

藝苑雌黃曰士人言縣令事多用彭澤
五株柳雖白樂天六帖亦然以余考之
陶淵明潯陽柴桑人也宅邊有五柳樹
因號五柳先生後為彭澤令去家百里
則彭澤未嘗有五柳也予初論此人或

不然其說比觀南部新書云晉書陶淵
明本傳宅邊有五柳樹因以為號焉卽
非彭澤令時所栽人多於縣令事使五
柳誤也。

茗溪漁隱曰沈彬詩陶潛彭澤五株柳
潘岳河陽一縣花皆誤用也。

晉故征西大將軍長史孟府君傳

并贊

君諱嘉字萬年江夏鄆人也曾祖父宗以孝行
稱仕吳司馬祖父揖元康中為廬陵太守宗葬



武昌新陽縣子孫家焉遂爲縣人也君少失父奉母二第居喪大司馬長沙桓公陶侃第十女閨門孝友人無能間鄉閭稱之冲默有遠量弱冠儕類咸敬之同郡郭遜以清操知名時在君右常歎君溫雅平曠自以爲不及遜從弟立亦有才志與君同時齊譽每推服焉由是名冠州里聲流京邑太尉頴川庾亮以帝舅民望受分陝之重鎮武昌并領江州辟君部廬陵從事下郡遠亮引見問風俗得失對曰嘉不知還傳當

問從吏亮以塵尾掩口而笑諸從事既去嘆第翼語之曰孟嘉故是盛德人也君旣辭出外自除吏便步歸家母在堂兄弟共相歡樂怡怡如也旬有餘日更版爲勸學從事時亮崇脩學校高選儒官以君望寔故應尚德之舉大傅河南褚裒簡穆有器識時爲豫章太守出朝宗亮正旦大會州府人士率多時彥君在坐次甚遠裒問亮江州有孟嘉其人何在亮云在坐卿但自覓裒歷觀遂指君謂亮曰將無是耶亮欣然而

TIFFEN Color Control Patches



笑。吾哀之得君奇君爲哀之所待乃盜器焉舉
秀才又爲安西將軍庾翼府功曹再爲江州別
駕巴丘令征西大將軍譙國桓溫參軍君色和
而正溫甚重之九月九日溫游龍山參佐畢集
四第二甥咸在坐時佐吏竝著戎服有風吹君
帽墮落溫目左右及賓客勿言以觀其舉止君
初不自覺良久如廁溫命取以還之廷尉太原
孫盛爲諮議參軍時在坐溫命紙筆令嘲之文
成示溫溫以著坐處君歸見嘲笑而請筆作答

了不容思文辭超卓四座歎之奉使京師除尚
書剛定郎不拜孝宗穆皇帝聞其名賜見東堂
君辭以脚疾不任拜起詔使人扶入君嘗爲刺
史謝永別駕永會稽人喪亡君求赴義路由永
興高陽許詢有雋才辭榮不仕每縱心獨往客
居縣界嘗乘船近行適逢君過歎曰都邑美土
吾盡識之獨不識此人唯聞中州有孟嘉者將
非是乎然亦何由來此使問君之從者君謂其
使曰本心相過今先赴義尋還就君及歸遂止



信宿雅相知得有若舊交還至轉從事中郎俄
遷長史在朝墮然仗正順而已門無雜賓嘗會
神情獨得便超然命駕還之龍山顧景醴宴造
夕乃歸溫從容謂君曰人不可無勢我乃能駕
御卿後以疾終於家年五十一始自總髮至於
知命行不苟合言無夸矜未嘗有喜愠之容好
酣飲愈多不亂至於任懷得意融然遠寄傍若
無人溫嘗問君酒有何好而卿嗜之君笑而答
曰明公但不得酒中趣爾又問聽伎絲不如竹

竹不如肉答曰漸近自然中散大夫桂陽羅含
賦之曰孟生善酣不愆其意光祿大夫南陽劉
耽昔與君同在溫府淵明從父太常斐嘗問耽
君若在當已作公否答云此本是三司人爲時
所重如此淵明先親君之第四女也飢風寒泉
之思寔鍾厥心謹按採行事撰爲此傳懼或乖
謬有虧大雅君子之德所以戰戰兢兢若履深
薄云爾

贊曰



孔子稱進德脩業以及時也。君清靜，衡門則令聞。孔昭振纓公朝，則德音允集。道悠運促，不終遠業，惜哉！仁者必壽，豈斯言之謬乎。

桃花源記 并序

晉太元中，武陵人捕魚為業，緣溪行，忘路之遠近。忽逢桃花林，夾岸數百步，中無雜樹，芳草鮮美，落英繽紛。漁人甚異之，復前行，欲窮其林。林盡水源，便得一山，山有小口，髣髴若有光，便捨船從口入。初極狹，纔通人，復行數十步，豁然開

朗。土地平曠，屋舍儼然，有良田、美池、桑竹之屬。阡陌交通，雞犬相聞。其中往來種作，男女衣著，悉如外人。黃髮垂髫，並怡然自樂。見漁人，乃大驚問所從來，具答之。便要還家，設酒殺雞作食。村中聞有此人，咸來問訊。自云：先世避秦時亂，率妻子邑人來此，絕境不復出焉。遂與外人間隔。問今是何世，乃不知有漢，無論魏晉。此人一一為具言所聞，皆歎惋。餘人各復延至其家，皆出酒食。停數日辭去。此中人語云：不足為外人



道也。既出得其船，便扶向路，處處誌之。及郡下，詣太守說如此。太守即遣人隨其往，尋向所誌，遂迷，不復得路。南陽劉子驥，高尚士也。聞之，欣然，親往。未果，尋病終。後遂無問津者。

嬴氏亂天紀，賢者避其世。黃綺之商山，伊人亦云逝。往迹浸復湮，來邇遂蕪廢。相命肆農耕，日入從所憩。桑竹垂餘蔭，菽稷隨時藝。春蠶取長絲，秋熟靡王稅。荒路險交通，鷄犬互鳴吠。俎豆猶古法，衣裳無新製。童孺縱行歌，斑白歡游詣。

草榮識節和，木衰知風厲。雖無紀曆誌，四時自成歲。怡然有餘樂，于何勞智慧。奇蹤隱五百，一朝敞神界。淳薄既異源，旋復還幽蔽。借問游方士，焉測塵囂外。願言躡輕風，高舉尋吾契。

唐子西曰：唐人詩云：山僧不解數甲子，一葉落知天下秋。及觀淵明雖無紀曆誌，四時自成歲，便覺唐人費力，尚不知有漢，無論魏晉，可見造語之簡妙。

東坡曰：世傳桃源事多過其實。考淵明

所記止言先世避秦亂來此則漁人所
是似是其子孫非秦人不死者也又云
殺雞作食豈有仙而殺者乎舊說南陽
有菊水水甘而芳居民三十餘家飲其
水皆壽或至百二三十歲蜀青城山老
人村有五世孫者道極險遠生不識鹽
醃而溪中多枸杞根如龍蛇飲其水故
壽近歲道稍通漸能致五味而壽益衰
桃源蓋此也使武陵太守得至焉則

已代乎奪之場久矣常意天壤間若
此者甚衆不獨桃源

胡仔曰東坡此論蓋辯證唐人以桃源
爲神仙如王摩詰劉夢得韓退之作桃
源行是也惟王介甫作桃源行與東坡
之論合

時俾按漁人太守記初不言姓名而註
自添足非原有姓名而以不道破爲妙
也南陽劉子驥何嘗不道姓名至妾指

桃源山妄作桃源經從空虛中迷謬執
著夢中說夢不特甚解之過○文字清
空千年絕調醉鄉毛穎祖之而不免緒
撰矣帛道猷茅茨隱不見雞鳴知有人
李太白一往桃花源千春隔流水彷彿
此境王摩詰牛羊自歸村巷童稚不識
衣冠殊勝其桃源行

與子儼等疏

告儼侯份伏佟天地賦命生必有死自古賢聖

誰能獨免子夏有言死生有命富貴在天四友
之人親受音旨發斯談者將非窮達不可妄求
壽夭永無外請故耶吾年過五十少而窮苦每
以家弊東西游走性剛才拙與物多忤自量爲
已必貽俗患龜鏡離世使汝等幼而饑寒余嘗
感儒仲賢妻之言賤絮自擁何慙兒子此既一
事矣但恨鄰靡二仲室無來婦抱茲苦心良獨
內媿少學琴書偶愛閒靜開卷有得便欣然忘
食見樹木交陸時鳥變聲亦復歡然有喜常言



五六月中北窓下臥遇涼風警至自謂是羲皇上人意淺議罕謂斯言可保日月遂往機巧好疎緬求在昔眈然如何病患以來漸就衰損親舊不遺每以藥石見救自恐大分將有限也沒輩惟小家貧每役柴水之勞何時可免念之在心若何可言然汝等雖不同生當思四海皆兄弟之義鮑叔管仲分財無猜歸生伍舉班荆道舊遂能以敗爲成因喪立功他人尚爾況同父之人哉潁川韓元長漢末名士身處卿佐七十

而終兄弟同居至於沒齒濟北凡音稚春晉時

操行人也七世同財家人無怨色詩曰高山仰

止景行行止雖不能爾至心尚之汝其慎哉吾

復何言

王霸傳霸字儒仲列女傳霸少立高節

光武時連徵不仕霸與同郡令狐子伯

爲友後子伯爲楚相而其子爲郡功曹

子伯遣子奉書於霸客去而久臥不起

妻怪問其故霸日向見令狐子客服甚



光舉措有適而我兒蓬髮歷齒未知禮
則見客而有慚色父子恩深不覺自失
耳妻曰君少脩清節不餌榮祿今子伯
之貴孰與君之高君躬勤苦子安得不
耕以養既耕安得不黃頭歷齒奈何忘
宿志而慙見女子乎霜屈起而笑曰有
是哉遂共終身隱遁○裕廉高士傳求
仲羊仲皆治車爲業挫廉逃名蔣元卿
之去兖州還杜陵荆棘塞門舍中有三

徑不出唯二人從之游時人謂之二仲
○劉向列女傳楚老萊子逃世耕於蒙
山之陽莞葭爲牆蓬蒿爲室王使人聘
以璧帛不來王遂罵至老萊之門老萊
方織養王曰顯先生臨之老萊子曰僕
山野之人也不足以守政王復曰顯終
變先生之志老萊子曰諾王去有間其
妻戴春挾薪而來謂老萊子曰是何車
跡之衆也老萊子曰楚王欲使吾守楚



國之政妻曰子許之乎。老萊子曰然。妻
曰妾聞之可食以酒肉者。可隨以鞭撻。
可授以官祿者。可隨以鈇鉞。今先生食
人之酒肉。受人之官祿。此皆人之所制
也。居亂世而爲人所制。能免於患乎。老
萊子遂隨其妻至於江南而止。

祭程氏妹文

維晉義熙三年五月甲辰。程氏妹服制再周。淵
明以少牢之饗。俛而酌之。嗚呼哀哉。寒往暑來。

日月寢疎。梁塵委積。庭草荒蕪。寥寥空室。哀哀
遺孤。看鶻虛奠。人逝焉如。誰無兄弟。人亦同生。
嗟我與爾。特百常情。慈妣早世。時尚孺嬰。我年
二六。爾纔九齡。爰從靡議。撫髻相成。咨爾令妹。
有德有操。靖恭解言。聞善則樂。能正能和。惟友
惟孝。行止中閨。可象可徵。我聞爲善。慶自己臨。
後蒼何偏。而不斯報。昔在江陵。重罹天罰。兄弟
索居。乖隔楚越。伊我與爾。百哀是切。踏踏高雲。
蕭蕭冬月。白雲掩晨。長風共節。感惟崩麓。興言

泣血。尋念平昔。簡事未遠。書疏猶存。遺孤滿眼。如何一往。終天不返。感戚高堂。何時復踐。藐藐孤女。曷依曷恃。笑笑遊魂。誰主誰祀。奈何程妹。於此永已。死如有知。相見蒿里。嗚呼哀哉。

祭從弟敬遠文

歲在辛亥。月惟仲秋。旬有九日。從弟敬遠。卜辰云空。永寧右土。感平生之遊處。悲一往之不返。情惻惻以摧心。淚慙慙而盈眼。乃以園果時膠。祖其將行。嗚呼哀哉。於鑠我弟。有操有真。孝發

切齡。友自天愛。少思寡欲。靡執靡介。後已先人。臨財思惠。心遺得失。情不依世。其色能溫。其言則厲。樂勝明高。好是文藝。遠適帝鄉。愛感奇心。絕粒委務。考槃山陰。淙淙懸澗。駸駸荒林。晨採上藥。夕聞素琴。曰仁者壽。竊獨信之。如何斯言。徒能見欺。年甫過立。奄與世辭。長歸蒿里。邈無還期。惟我與爾。匪但親友。父則同生。母則從母。相及韶齒。竝罹偏咎。斯情實深。斯愛實厚。念疇昔日。同房之歡。冬無繼褐。夏渴瓢菹。相將以道。



相聞以加豈不多。忽忘饑寒。余嘗學仕。纏絆
人事。流浪無成。懼負素志。欲策歸來。爾知我意。
常願攜手。寘彼衆意。每憶有秋。我將其刈。與汝
偕行。舫舟同濟。三宿水濱。樂飲川界。靜月冬高。
溫風始逝。撫杯而言。物久人脆。奈何吾弟。先我
離世。事不可尋。思亦何極。日徂月流。寒暑代息。
死生異方。存亡有域。候晨永歸。指塗載臨。呱呱
遺稚。未能正言。哀哀嫠人。禮儀孔閑。庭樹如故。
齊宇廓然。孰云敬遠。何時復還。余惟人斯。昧茲
近情。著龜有吉。制我祖行。望旄翻觀。執筆涕盈。
神其有知。昭余中誠。嗚呼哀哉。

自祭文

歲惟丁卯。律中無射。天寒夜長。風氣蕭索。陶子
將離。逆旅之館。永歸於本宅。故人懷其相悲。同
祖行於今久。羞以嘉蔬。薦以清酌。候頗已冥。聆
音愈漠。嗚呼哀哉。萋萋大塊。悠悠高旻。是生萬
物。余得爲人。自余爲人。逢運之貧。筆瓢屢罄。絺
絺冬陳。含歎谷汲。行歌負薪。賢窮柴門。事我實

陶靖節集卷之五
晨春秋代謝有務中園。載耘載耜。適育適繁。欣以素牘。和以七絃。冬曝其日。夏濯其泉。勸靡餘勞。心有常閒。樂天委命。以致百年。惟此百年。夫
人愛之。懼彼無成。惜時存爲。世珍沒亦見思。嗟我獨邁。曾是異茲。寵非已榮。涅豈吾緇。梓
兀窮廬。酣飲賦詩。識運知命。嗒能罔眷。余今斯化。可以無恨。青涉百齡。身慕肥遁。從老得終。奚
所復戀。寒暑逾邁。亡既異存。外姻屢來。良友宵
奔。葬之中野。以安其魂。窅窅我行。蕭蕭墓門。春

耻宋臣。偷笑王孫。厥今已滅。慨焉已遐。不封不樹。日月遂過。匪貴前譽。孰重後歌。人生寔難。死如之何。嗚呼哀哉。

東坡曰淵明自祭文出妙語於續息之餘。豈涉死生之流哉。





國立中央圖書館藏





2023/09/02, NATIONAL CENTRAL LIBRARY, TAIPEI, R.O.C.



天子聖德
 周文王
 虞舜又明舜臣事之於故政之間復孝慈是
 以聖明而於之官自天下受為天子以為不
 於父母者然而無德性則不可以為天子也
 夫聖德充之也必於聖舜五十而克其德

周文王
 虞舜又明舜臣事之於故政之間復孝慈是
 以聖明而於之官自天下受為天子以為不
 於父母者然而無德性則不可以為天子也
 夫聖德充之也必於聖舜五十而克其德



陶靖節集卷之六

傳贊 述

天子孝傳贊

虞舜

夏禹

殷高宗

周文王

虞舜父頑母瞽事之於畝畝之間以孝烝烝是以堯聞而授之富有天下貴為天子以為不順於父母若窮而無歸惟聞親可以得意苟違朝夕若嬰兒之思慈故稱舜五十而慕書曰憂擊



1995000 NATIONAL CENTRAL LIBRARY, TAIWAN, P.R.C.



鳴球博拊琴瑟以詠祖考來格言思其來而訓之愛敬盡於事親是以德教加於百姓刑於四海

夏禹有天下以奉宗廟然躬自菲薄以厚其孝孔子曰禹吾無間然矣菲飲食而孝乎鬼神惡衣服而致美乎黻冕禹之德於是稱聞聖人之德無以加於孝敬孝敬之道美莫大焉

殷高宗諒陰三年不言百官總已而聽於冢宰三年而後言天下咸歡德教大行殷道以興詩

曰一人有慶兆民賴之其此之謂乎

周文王之爲世子也朝於王季日三雞鳴至於寢門問於內豎內豎曰安文王乃喜不安則色憂行不能正履日中暮亦如之食上必視寒溫之節食下必問所膳而後退文王孝道光天其化自近至遠刑于寡妻以御于家邦故得萬國之歡心以事其先王矣

贊曰

至哉后德聖敬自天陶漁致養菲薄享先親瘠



色憂諒陰寢言一人有慶千載賴旃

諸侯孝傳贊

曰公且

魯孝公

河間惠王

周公且武王之弟成王幼少周公攝政制禮作樂郊祀后稷以配天宗祀文王於明堂以配上帝是以四海之內各以其職來祭詩曰於穆清廟蕭雍顯祖言諸侯樂其位而敬其事也仲尼曰孝莫大於嚴父嚴父莫大於配天則周公其人也貴而不驕位高彌謙自承文武之休烈孝

道通於神明光被四海武王封之於魯備其禮樂以奉宗廟焉

魯孝公之爲公子周宣王問公子能道訓諸侯者立之樊穆仲稱其孝曰肅恭明神而敬事耆老賦事行刑必問於遺訓咨於故寔不干所問不犯所咨王曰然則能調理其民矣乃命之於夷宮是爲孝公夫宗廟致敬不忘親也有國不亦宜乎

漢河間惠王獻王之曾孫也西京藩臣多驕放

附錄
之失其名德者唯獻王而惠王繼之漢書稱其
能脩獻王之行母薨服喪盡禮哀帝下詔書褒
揚以爲宗室儀表增封萬戶禮古之人皆然至
於末俗衰薄固已賢矣貴而率禮又難其見褒
賞不亦宜乎

贊曰

貴驕殊途不期而會周公勞謙乃成光大二侯
承魯遵儉去泰河間率禮漢宗是賴

鄉大夫孝傳贊

孔子

孟莊子

頌考叔

孔子魯人也入則事父兄出則事公卿喪事不
敢不勉故稱曰孝乎惟孝友于兄弟是亦爲政
也君賜腥必熟而薦之雖蔬食而齊祭如在鄉
人儻朝服立於阼階孝之至也至德要道莫大
於孝是以曾參受而書之游夏之徒常咨稟焉
許止不嘗藥書以殺父宰我誓言減喪責以不
仁言合訓典行合世範德義可尊作事可法遺
文不朽揚名千載



孟莊子魯人也。孔子稱其孝。其他可能也。其不改父之政。與父之臣。是難能也。夫孝子之事親也。事亡如事存。故當不義則爭之。存所不爭則亡。亦不敢改父之道。猶謂之孝。况終身乎。

穎考叔鄭人也。莊公以叔段之故。與母誓曰。不有獻於公。公賜之食。而舍肉。公問之。對曰。小人有母。未嘗君之美。請以遺之。公曰。汝有母遺。繫我獨無。考叔曰。何謂也。公語之故。且告之悔。考叔曰。若掘地及泉。隧而相見。其誰曰不然。公從之。遂爲母子如初。君子曰。穎考叔純孝也。愛其母。而施及莊公。詩云。孝子不匱。永錫爾類。其是之謂乎。

贊曰

仁惟本傑。聖亦基孝。恂恂尼父。固天攸造。二子承親。式禮遵誥。永錫純懿。無改遺操。

士孝傳贊

高柴

樂正子春

孔奮



黃香

高柴，衛人也。喪親，泣血三年，未嘗見齒。所謂哭不依言不文也。爲武城宰而化行，民有不服其親者，改之行喪如禮。君子之德風也，以身先之而民不遺其親。

樂正子春，魯人也。下堂傷足，既瘳，數月不出，猶有憂色。曰：吾聞之，曾子父母全而生之，已全而歸之，可謂孝矣。故君子一舉足，一出言，不敢忘父母，不敢毀傷，孝之始也。夫能敬慎若斯而哭患及者，未之有也。

孔奮，扶風人也。少以孝行著名州里，供養至謹。在官唯母極甘美，妻息菜食，歷位以清。夫人情莫不欲厚其親，然亦有分焉。奮則難繼，能致儉以全養者，鮮矣。

黃香，江夏人也。九歲失母，思慕骨立，事父竭力，以致養。冬無被褥，而盡滋味，暑則扇牀枕，寒則以身溫席。漢和帝嘉之，特加異賜，歷位恭勤，寵祿榮親，可謂夙興夜寐，無忝爾所生者也。



贊曰

顯允羣士。行如名鈞。威能夙夜。以義榮親。率彼
城邑。用化厥民。忠以悟主。其孝乃純。

庶人孝傳贊

江革

廉範

汝郁

殷陶

江革。齊人也。漢章帝時。避賊負母而逃。賊賢之。
不害。而告其生路。竭力備償。以致甘煖。和顏悅
色。以盡歡心。欲親之安。自挽車以行。鄉人歸之。

號曰江巨孝。位至五官中郎將。天子嘉焉。寵遇

甚厚。告歸。詔書褒美。就家禮其終身。以顯行具

廉範。京兆人也。少孤。十五入蜀。迎父喪。遇石船

覆。範抱棺而沒。船人救之。僅免於死。遂以喪歸。

及仕郡。極太守於危難。送故盡節。章帝時。為郡

守。百姓歌詠之。夫孝者。人之本。教之所由生也。

是以範之臨危也。勇。宰民也。惠。能以義顯也。

汝郁。陳郡人也。五歲。母病不食。郁亦不食。母憐

之。強食。郁能察色。知病輒復。不食。族人號曰異



隨集
童年十五著於鄉里。父母終思慕致委推財與兄弟。隱於草澤。君子以爲難。况童亂孝於自然。可謂天性也。

殷陶汝南人也。年十二以孝稱。遭父憂。率情合禮。有長蛇帶其門。舉家奔走。陶以喪柩在焉。獨居廬。不動。親成扶持。曉諭莫能移之。啼號益盛。由是顯名。屢辭辟命。夫智者不惑。勇者不懼。陶孝於其親。而智勇並彰乎弱齡。斯又難矣。

贊曰

事親盡歡。其難在色。彼養以祿。我養以力。義存愛敬。祭不假飾。嗟爾衆庶。鑒茲前式。

扇上畫贊

荷篠丈人 長沮桀溺 於陵仲子

張長公 丙曼容 鄭次都

薛孟嘗 周陽珪

三五道邈。淳風日盡。九流參差。互相推隕。形逐物遷。心無常準。是以達人。有時而隱。四體不動。五穀不分。起起丈人。日夕在耘。遠遑沮。澗糲耕。

附錄
自欣入鳥不駭雜獸斯群至矣於陵養氣浩然
夔彼結駟甘此灌園張生一仕曾以事還顧我
不能高謝人間岩岩丙公望崖輒歸匪駘匪么
前路威夷鄭叟不合垂釣川瀟交酌林下清言
究微孟嘗游學天網時疎眷言哲友振褐借租
奚哉周子稱疾閒居寄心清尚悠然自娛醫醫
衝門洋洋泌流曰琴曰書顧盼有儔飲河旣足
自外皆休緬懷千載託契孤游

讀史述

九章

余讀史記有所感而述之

夷齊

二子讓國相將海隅天人革命絕景窮居采薇
高歌慨想黃虞貞風凌俗爰感懦夫

箕子

去鄉之感猶有遲遲矧伊代謝觸物皆非哀哀
箕子云胡能夷狄童之歌悽矣其悲

管鮑

知人未易相知實難淡美初交利乖歲寒管生



稱心勉叔必安奇情雙亮令名俱完

程杓

遺生良難士爲知己望義如歸允伊二子程生
揮劍懼茲餘恥令德永聞百代見紀

七十二弟子

恂恂舞雩莫曰匪賢俱映日月共餐至言慟由
才難感爲情牽回也早天賜獨長年

屈賈

進德脩業將以及時如彼覆契孰不願之嗟乎

二賢逢世多疑候磨寫志感鵬獻辭

韓非

豐狐隱穴以文自殘君子失時白首抱關巧行
居災伎辯召患哀矣韓生竟死說難

魯二儒

易代隨時迷變則愚介介若人特爲貞夫德不
百年汗我詩書邈然不顧被褐幽居

張長公

遠哉長公蕭然何事世路多端皆爲我異歛鬱

TIFFEN Color Control Patches



陶靖節集卷之六

胡來獨養其志寢迹窮年誰知斯意
東坡曰夷齊箕子蓋有感而云去之五
百餘載吾猶識其意也

陶靖節集卷之六

陶靖節集卷之七

集聖賢群輔錄上

明由曉升紱

必有受稅俗

成博受古諸

隕丘受延婚

右燧人四佐燧人出天四佐出洛

全提主化俗

天所生也
各就所生也

視默主災惡

與一作

鳥明主建福

仲起為海陸

一作

紀通為中職

陽侯為江海

一作

陽侯為江海

一作



陶靖節集卷之六

胡來獨養其志寢迹窮年誰知斯意
東坡曰夷齊箕子蓋有感而云去之五
百餘載吾猶識其意也

陶靖節集卷之六

陶靖節集卷之七

集聖賢群輔錄上

明由曉升級 必有受稅俗

成博受古諸 隕丘受延婚丘一作立

右燧人四佐燧人出天四佐出洛來均日出

天所生也

全提主化俗天所生也 鳥明主建福

視默主災惡與一作變 紀通為中職

仲起為海陸一作本 陽侯為江海一作本



右伏羲六佐六佐出世

漢均曰伏羲不
及姓人故增二

伏羲世人
所生地

風后受金法

天老受天籙

五聖受道紙

知命受糾俗

窺紀受變復

地典受州絡

力墨受準斥

力墨或
作力教

右黃帝七輔以上並見論語摘輔象

時偉按上三條事出太古多不可解而

宋均分註杜撰如謂古諸為古諸侯於

義通乎故悉爻去

重木

正

該全 脩

正

熙進水

右少昊四叔實能金木及水使重為勾

芒該為蓐牧脩及熙為玄冥世不失職

遂濟窮系見左傳祭墨辭

義仲春

義叔夏

和仲秋

和叔冬

右義和四子孔安國云即堯之四岳分

掌四岳諸侯鄭玄云堯既分陰陽為四

時命義仲和仲義叔和叔等為之官又



主方岳之事是爲四岳

伯夷爲陽伯

義仲之後爲義伯

棄爲夏伯

義叔之後爲義伯

咎繇爲秋伯

和仲之後爲和伯

垂爲冬伯

右八伯自義和後分置八伯舜元祀巡狩每至其方各貢兩伯之樂大傳冬伯後闕一人鄭玄云此上下有脫辭又百工相和而歌慶雲八伯稽首而進者也

見尚書大傳

謹兜

共工 鯀 三苗

蒼舒

右四凶謂之渾敦窮奇檮杌饕餮

佾容

饋敵 檜箴 大隳 龍降 庭堅

叔容

叔達

右高陽氏才子八人齊聖廣淵明允篤

誠天下之民謂之八凱

伯奮

仲堪 叔獻 季仲 伯虎 仲熊

叔豹

季狸



右高辛氏才子八人忠肅恭懿宣慈惠和天下之民謂之八元從四凶至此悉見左傳

禹作司空

棄作稷

契作司徒

咎繇作士

益作虞

垂作共工

伯夷作秩宗

龍作納言

雙典樂

右九官舜登帝位所選命見尚書

雒陶

方回

續牙

伯陽

東不訾

或云不藏

秦不虛

或云不空

靈甫

右舜七友並為歷山雷澤之游戰國策顏歌云堯有九佐舜有七友而尸子只載雄陶等六人不載靈甫皇甫士安作逸士傳云視其友則雄陶方回續牙伯陽東不訾秦不虛靈甫之徒是為七子與戰國策相應

禹

稷

皋陶

益

右舜五臣見論語已列九官中

禹

稷

皋陶

伯夷

垂

益

夔



陳

右八師見楚辭七諫

伯夷

禹 稷

右三后伯夷降典制民惟刑禹平水土
生名山川稷降播種農殖嘉穀三后成
功惟殷於民漢太尉楊賜曰昔三后成
功皐陶不與焉蓋吝之也見尚書甫刑
後漢書

微子

箕子 比干

右殷三仁論語曰微子去之箕子為之

伯夷

太公

奴比干諫而死孔子曰殷有三仁焉

右二老

閔天

太公望 南宮适 散宜生

右文王四友孔子曰文王有四臣丘亦
得四友此四人則文王四鄰也

伯達

伯适 仲突 仲忽 叔夜 叔夏

季隨

季賜

右周八士見論語賈逵以為文王時辭

尚書

卷七

五



玄以為成王時也

伯邑考

武王發 管叔鮮 周公旦

蔡叔度

曹叔振鐸 霍叔武 鄭叔處

康叔封

聃季載 一本無聃叔
處有毛叔開

右太姒十子太史公曰太姒十子周以

宗彊見史記

周公旦

邵公奭 太公望 畢公 毛公

閔公

太顛 南宮适 散宜生 文母 太姒

右周十乳見論語

秦公牙

吳班 孫尤 夫人冉贇 公子麋

右五王竝能相焉尸子曰古有五王之

相迺謂之王其貴之也

狐偃

趙衰 顛頡 魏武子 司空季子

右晉文公從亡五人

又息

仲行 鍼虎

右三良子車氏之子秦穆公歿要以從

死詩人悼之為賦黃鳥見毛詩

子展賦草蟲

子西賦黍苗



國集

子產賦關系

公孫段賦系危

伯有賦鶉之賁賁

子太叔賦野有蔓草

印段賦蟋蟀

右鄭七穆叔向曰鄭七穆其后亡乎及諸侯為宋之盟鄭伯享趙武子垂隴七卿皆從文子之宗卿自君以寵武也詩皆賦以卒君昵亦以觀七子之志見左傳

仲孫殺文伯

叔孫得臣子叔

季孫行父支子

右三桓孔子曰三桓之子孫微矣見論

語左傳

趙無恤襄子

范吉射昭子

智瑤襄子

荀寅文子

魏多襄子

韓不信簡子

右六放世為晉卿此六人定霸晉國淳于越云卒有田常六卿之臣劉向亦曰田常復見於今六卿必起於漢見左傳

國集

卷七

七



史記

儀封人

荷蕢

晨門

楚狂接輿

長沮

桀溺

荷蕢丈人

一作伯夷叔齊或魯夷
逸朱張降下惠少逸

右作者七人論語曰賢者避世其次避地其次避色其次避言孔子曰作者七人

德行

顏淵

閔子騫

冉伯牛

仲弓

言語

宰我

子貢

政事

冉有

季路

文學

子游

子夏

右四科見論語

顏淵

子貢

子路

子張

右孔子四友文王有胥附奔奏先後禦侮謂之四鄰孟懿子曰夫子亦有四鄰乎子曰吾有四友焉自吾得回門人益親是非胥附乎自吾得賜遠方之士日至是非奔奏乎自吾得師前有光後有輝是非先後乎自吾得由惡言不至於



門是非禦侮乎見孔叢子

顏淵

仲弓 子路 宰我 子貢 公西華

右仲尼六侍志意不立子路侍儀服不脩公西華侍禮不習子貢侍辭不辯宰我侍亡忽古今顏回侍節小物冉伯牛侍曰吾以夫六子自厲也見尸子

檀子

盼子 黔夫 種首

右齊威王四臣齊威王與魏惠王會田於郊魏王問威王曰王有寶乎威王曰

無有魏王曰若寡人國雖小猶有徑寸之珠照前後車各十二乘者十枚奈何齊萬乘之國而無寶乎威王曰寡人之所以爲寶與王異吾臣有檀子者使守南城則楚人不敢爲寇東取泗上十二諸侯皆來朝吾臣有盼子者使守高唐則魏人不敢東漁於河吾臣有黔夫者使守徐則燕人祭北門趙人祭西門從而從之者七十餘家吾臣有種首者使



備盜賊則道不拾遺以此為寶將以照千里豈直十二乘哉魏惠王慙不憚而去見史記及春秋後語

齊孟嘗君田文

魏信陵君無忌

趙平原君趙勝

楚春申君黃歇

右戰國四豪見史記

太子少傅雷文成侯韓張良

相國鄒文終侯沛蕭何

楚王淮陰侯韓信

右三傑漢高祖曰此三人者皆人傑也

見漢書

園公

姓唐名采字聖明陳留襄邑人

綺里季

夏黃公

姓在名廣字少通齊人隱居

角里先生

右商山四皓當秦之末俱隱上洛商山

皇甫士安云竝河內軹人見漢書及皇

甫謚高士傳

太子太傅疎廣字仲翁

太子少傅疎受字公子

廣兄子也



右二疎東海人宣帝時授太子論語孝經各以老疾告退時人謂之二疎見漢書

重合令子典

櫟陽令子羽

東海太守子仲

兗州刺史子明

潁陽令子良

右郡決曹掾汝南周燕少卿之五子號曰五龍各居一里子孫並以儒素退讓為業見周氏譜及汝南先賢傳

龔勝字君賓

龔舍字君倩或曰長倩

唐林字子高

唐尊字伯高

右並楚人皆治清節世號二龔見漢書右並沛人亦以潔履著名於戚哀之世號為二唐比楚二龔後皆仕王莽見漢書左思曰二唐潔已乃點乃污

平阿侯王譚

成都侯王商

紅陽侯王章

曲陽侯王根

高平侯王逢時



右並以元后弟同日受封京師蓋曰五
侯並奢豪富侈招賢下士谷永樓護皆
爲賓客時人爲之語曰谷子雲之筆札
樓君卿之唇舌張載詩曰富侈擬五侯
北海逢萌字子康 北海徐房字平原

李曇字子雲

平原王遵字君公

右皆懷德執行不仕亂世相與爲友時
人號之四子見後漢書嵇康高士傳

求仲 羊仲

右二人不知何許人皆治車爲業性廉
逸名蔣元卿舍中有三徑不出惟二人
從之游時人謂之二仲見嵇康高士傳

太傅高密元侯南陽鄧禹字仲華

大司馬廣平忠侯南陽吳漢字子顏

左將軍膠東剛侯南陽賈復字君文

建威大將軍奸時愍侯扶風耿弇字伯昭

執金吾雜奴威侯上谷寇恂字子翼

征西大將軍陽夏節侯潁川馮異字公孫



征南大將軍舞陽壯侯南陽岑彭字君然

征虜將軍潁陽成侯潁川祭遵字弟孫

太常靈壽侯信都邳彤字偉君

東郡太守東莞成侯鉅鹿耿純字伯山

上谷太守淮陰侯潁川王霸字元伯

左中郎將朗陵愨侯潁川臧宮字君翁

驃騎大將軍櫟陽侯馮翊景丹字孫卿

驃騎天將軍參蓮侯南陽杜茂字諸公

建義大將軍高侯南陽朱祐字仲先

驃騎將軍慎靖侯南陽劉隆字元伯

揚武將軍全椒侯南陽馬成字君遷

大司空阜成侯漁陽王梁字君嚴

衛尉安城忠侯潁川鮑期字次兄

左馮翊安平侯漁陽蓋延字巨卿

捕虜將軍揚虛侯南陽馬武字子張

驍騎將軍昌城侯鉅鹿劉植字伯先

左將軍阿陵侯南陽任光字伯卿

豫章太守中水侯東萊李忠字仲都



左將軍槐里侯扶風萬倫字君游

琅邪太守祝阿侯南陽陳俊字子昭

積弩將軍昆陽威侯潁川傅俊字子衡

揚化將軍合肥侯潁川堅鐔字子俊

右河北二十八將光武所與定天下見
後漢書張衡東京賦云受鉞四七共工
以除

武威太守梁統字仲寧

金城太守廉鈞字巨公

張掖太守史苞字叔文

酒泉太守竺曾字巨公

焯煌太守辛彤字大房

右河西五守是時更始已爲赤眉所害
隗囂密有異志統等五人共推竇融爲
河西大將軍內撫吏民外禦寇戎東伐
隗囂歸心世祖克建功業見後漢書及
善文○時倖按善文未詳疑有脫誤

大鴻臚韋孟達

上黨太守公孫伯達



河陽長魏仲達

右扶風平陵人同時齊名世號三達孟
達名彪丞相賢五世孫明帝時人見漢
書及決錄

光祿大夫周舉

光祿大夫杜喬

光祿大夫周栩

尚書樂巴

青州刺史馮羨

兗州刺史郭遵

太尉長史劉班

侍御史張綱

右八使漢順帝時政在權宦官以賄成

周舉等議遣八使循行風俗同日俱發

天下號曰八使見張璠漢紀

平輿令韋順字叔文 順弟武陽令豹字季明

豹弟廣都長義字季節

右清河太守韋文高之三子皆以學行
知名時人號韋氏三君見京兆舊事

楊震字伯起

震子秉字叔節

秉子賜字伯獻

賜子彪字文先

右楊氏四公弘農華陰人自孝安至獻

帝七世父子以德業相繼為三公見續漢書

袁安字邵公

安子敞字叔平

敞子湯字仲河

湯子逢字周陽

逢弟隗字次陽

右袁氏四世五公見續漢書

處士豫章徐揖字孺子

京兆韋著字休明

汝南袁閔字夏甫

彭城姜肱字伯淮

潁川李曇字子雲

右太傅汝南陳公時為尚書令與諸尚書悉名士也共薦此五人時號五處士見續漢書及善文

周子居

黃叔度

艾伯堅

邳伯向

封武興

盛孔叔

七

右汝南六孝廉太守李儂選此六人以應歲舉受版未行儂死子居等遂駐行喪儀妻於柩側下帷見之厲以宜行子居歎曰不有行者莫宣公不有止者莫



邱居於是與伯堅即日辭行封黃四人
爾隨柩車見杜元凱女戒

大將軍槐里侯扶風平陵竇武字游平天下忠誠實

太傅高陽鄉侯汝南平輿陳蕃字仲舉天下義府陳仲舉

侍中河間樂成劉淑字仲承天下德弘劉仲承

右三君

少傅潁川襄城李膺字元禮天下懷憎李元禮

司空山陽高平王暢字叔茂天下英秀王叔茂

太僕潁川陽城杜密字周甫天下良輔杜周甫

司隸校尉沛國朱寓字季陵天下水浸朱季陵

尚書會稽上虞魏朗字少英天下忠貞魏少英

沛國潁陰荀彗字伯條天下好交荀伯條

大司農博陵安平劉祐字伯祖天下播古劉伯祖

太常蜀郡成都趙典字仲經天下才英趙仲經

右八俊

有道太原介休郭泰字林宗天下和氣郭林宗



太常陳雷固夏馥字子治天下慕侍

尚書令河南鞏尹勳字伯元天下英傑

河南尹太山平陽羊陟字嗣祖天下清苦

議郎東郡陽平劉儒字叔林天下全

冀州刺史陳國項蔡衍字孟喜天下雅志

潁川太守渤海高城巴肅字恭祖天下臥虎

議郎南陽安衆宗慈字孝初天下通儒

御史中丞汝南召陵陳翔字子鱗海內奇珍

右八顧

後漢書無劉儒有范滂

衛尉山陽高平張儉字元節海內忠烈

太尉掾汝南細陽范滂字孟博海內寒節

蒙令山陽高平檀敷字文有海內通士

洛陽令魯國孔昱字世元海內才珍

太山太守渤海重合范康字仲真海內彰彰

太尉掾南陽棘陽岑暉字公孝海內珍好

鎮南將軍荊州牧武城侯山陽高平劉表字景

升海內所稱

右八及後漢書無范滂有范滂卓



陶靖節集卷之七

少府東萊曲城王商字伯義海內賢智王

郎中魯國蕃鸞字嘉景海內賢整

北海相陳蕃已吾泰周字平王海內貞良

侍御史太山奉高胡毋班字季皮海內珍奇

太尉掾穎川陰劉翊字子相海內允光

冀州刺史東平壽張王考字文祖海內依佐

陳雷相東平壽張張邈字孟卓海內嚴終

荊州刺史山陽湖陸度尚字博平海內清明

右皆領財竭已解釋怨結拯救危急謂

之八厨並漢書經劉相有劉備

從三君至此竝見三君八俊錄

太丘長穎川陳寔字仲弓

寔子大鴻臚紀字元方

紀弟司空掾諱字季方

右竝以高名號曰三君見既表狀及耶

耶淳紀碑

陶靖節集卷之七

陶靖

卷七

七



陶靖節集卷之八

集聖賢群輔錄下

太尉河南杜喬字叔榮

太常燬煌張奐字然明

侍中河內向翽字甫興

太傅汝南陳蕃字仲舉

太尉沛國苑延字君子

少府潁川李膺字元禮

司隸沛國朱寓字季陵

THE NATIONAL CENTRAL LIBRARY, TAIWAN, R.O.C.



陶靖節集卷之八

集聖賢群輔錄下

太尉河南杜喬字叔榮

太常燬煌張奐字然明

侍中河內向翽字甫興

太傅汝南陳蕃字仲舉

太尉沛國苑延字君子

少府潁川李膺字元禮

司隸沛國朱寓字季陵

THE NATIONAL CENTRAL LIBRARY, TAIWAN, R.O.C.



太僕穎川杜密字周甫

大鴻臚穎川韓融字元長

司空穎川荀爽字慈明

司空清河房植字伯武

聘士彭城姜肱字伯淮

太尉下邳陳球字伯真

司空山陽王暢字叔茂

徵士陳留申屠蟠字子龍

術尉山陽張儉字元節

大司農北海鄭玄字康成

徵士樂安冉瑆字孟玉

太尉漢中李固字子堅

有道太原郭泰字林宗

益州刺史南陽朱穆字公叔

尚書會稽魏朗字少英

聘士豫章徐穉字孺子

度遼將軍安定皇甫規字威明

右魏文帝初為丞相魏王所旌表二十



四賢後明帝乃述撰其狀見文帝令及
甄表狀

太常燉煌張真字然明

度遼將軍安定皇甫規字威明

太尉武威段熲字紀明

右涼州三明竝著威名於桓靈之世見

續漢書

韋權字孔衡

弟瓚字孔玉

瓚弟矩字孔規

右太尉掾韋子才之三子皆簡仁義兄
弟孝友達盜賊一人病不能去兄弟相
保兵至俱死時人稱之號韋氏三義兄
三輔決錄

荀儉字伯慈

儉弟緄字仲慈

緄弟靖字叔慈

靖弟壽字慈光

壽弟汪字孟慈

汪弟爽字慈明

爽弟肅字敬慈

肅弟粲字幼慈

右朗陵令潁川荀季和之八子竝有德



紫特人號之八龍居西豪里渤海窳康
知名士也時為穎陰令美之曰高陽氏
才子八人遂改所居為高陽里見張璠
漢紀及荀氏譜

公沙紹字子起

紹弟孚字允慈

北海寄
善博撰

子與荀爽共約出不許事貴勢而爽嘗
時僉王司徒後相見及爽遂約朝府面坐

孚弟恪字允讓

恪弟逸字義則

達弟樊字義起

號曰公沙五龍天下無雙穆亦名士也
見魏明帝旣表狀及後漢書

膠東令盧元昭字典先

樂城令剛戴祈字子陵

穎陰令剛徐晏字孟平

涇令盧夏隱字叔世

州別駕蛇丘劉彬字文曜

一云
彬

右濟北五龍少竝有異才皆稱神童當
桓靈之世時人號為五龍見濟北美賢



傳

孝廉杜陵金敞字元休

上計掾長陵第五邈字文休

上計掾杜陵韋端字甫休

右同郡齊名時人號之京兆三休並以
光武元年察舉見三輔決錄

晉宣帝河南司馬懿字仲達

魏司空潁川陳群字長文

中領軍譙朱鑠字彥才

侍中濟陰吳質字季重

右魏文帝四友見晉紀

魏步兵校尉陳留阮籍字嗣宗

中散大夫譙猛康字叔夜

晉司徒河內山濤字巨源

建威參軍沛劉伶字伯倫

始平太守陳留阮咸字仲容

籍兄子

散騎常侍河內向秀字子期

司徒琅邪王戎字濬沖

TIFFEN Color Control Patches

Blue Blue Green Yellow Red Magenta White D/Color Black

右魏嘉平中竝居河內山陽共爲竹林
之游世號竹林七賢見晉書魏書袁宏

戴逵爲傳孫統又爲讚

吳範相風

劉惔占氣

趙達筭

皇象書

嚴子卿恭

宋奇占夢

曹不興畫

爲孫權畫舟風浪甚急舟人皆去
不與畫舟爲難惟以爲真唯子濟不去

孤城鄭姥相

右吳人絕見張勃吳錄

陳雷董視字仲道

琅琊王澄字平子

陳雷阮瞻字千里

瞻字千里通集阮率多通火將
軍王敦方瞻有廣陵云八百

穎川庾敳字子嵩

陳雷謝鯤字幼輿

太山胡毋輔之字彥國

沙門于法龍

樂安光逸字孟祖

右晉中朝八達近世聞之故老

裴徽字文秀

裴楷字叔則

裴綽字季舒

裴瓚字固賓

裴遐字景初

裴遐字叔道



裴康字仲豫

後第

裴顛字逸民

晉

王祥字休徵

王戎字浚冲

父源

王澄字平子

王導字茂弘

覽孫

王緝字萬子

王衍字夷甫

父

王敦字處仲

王玄字眉子

子

右河東人裴琅邪人王聞之於故老

王昶字文舒

王湛字處冲

王承字安期

王述字懷祖

王坦之字文度

杜畿字伯侯

杜恕字務伯

杜預字元凱

杜錫字世嘏

杜乂字弘治

右太原王京兆杜各稱五世盛德聞之於故老夫書籍所載及故老所傳善惡聞於世者蓋盡於此矣漢稱田叔孟舒等十人及田橫兩客魯八儒史並失其名夫操行之難而姓名翳然所以撫卷長歎不能已已者也



八儒


夫子沒後散於天下設於中國成百氏之源
爲綱紀之儒。居環堵之室。華門圭竇。甕牖繩
樞。併日而食。以道自居者。有道之儒。子思氏
之所行也。衣冠中。動作顚。大讓如慢。小讓如
僞者。子張氏之所行也。顏氏傳詩爲道。爲詠
諫之儒。孟氏傳書爲道。爲疎通知遠之儒。漆
雕氏傳禮爲道。爲恭儉莊敬之儒。仲梁氏傳
樂爲道。以和陰陽。爲移風易俗之儒。樂正氏
傳春秋爲道。爲屬辭比事之儒。公孫氏傳易
爲道。爲潔淨精微之儒。

三墨

不累於俗。不飾於物。不尊於名。不伐於衆。此
宋鋼尹文之墨。裘褐爲衣。跛踣爲服。日夜不
休。以自苦爲極者。相里勤五侯子之墨。俱稱
經而背蹟不同。相謂別墨。以堅白。此苦獲已
亂鄧陵子之墨。

宋庠私記云五孝傳至四八目之末陶

TIFFEN Color Control Patches




陶靖節集卷之八終

自爲說曰書籍所載及故老所傳善惡
聞於世者蓋盡於此卽知其後無餘事
矣藉後八儒三墨二條此似後人妄加
輒別存之以俟博聞者

TIFFEN Color Control Patches

Blue Cyan Green Yellow Red Magenta White 30-Color Black





2024 2024 NATIONAL CENTRAL LIBRARY, TAIWAN, R.O.C.



THE SHANGHAI NATIONAL CENTRAL LIBRARY, TAIPEAN, R.O.C.

